

# **CHIMONGGIMIN ACHIK KURANG**

**( CHAPA KACHENGIPA )**

**—oOo—**

**1971**



# **CHIMONGGIMIN ACHIK KURANG**

( CHAPA KACHENGGAIPA )

—oOo—

1971

Published by —  
E. R. Marak, B. A.  
TURA, GARO HILLS MEGHALAYA,

1000 Copies.

Printed at  
THE SHOVA PRINTING PRESS,  
GOALPARA, ASSAM.

~~This~~ Book belong to Govt

DOMASKI



## U I A T S O C H E N G A N I

ACHIK KURANG—ingipa Magazineko chinga Prof. Howard Denison Mominni tangmitingo bikotaha aro anga uni ningo ua Magazine-ni Editor ongraachim. Ia Magazineo gatgimin Poedo-rangoniko chingni nikao namnambatkalako chimonge kitap kingsako chapa kana chingni miksongani abachengon dongani asel, anga bilsa 1945 intal chapa kaatna joton kaachim, indiba chol ongjelaha.

Ia bilsio dingtangmancha anchingni District Council ia cholko angna one dakchakbeaha. Ungimin pilakna skang anga Garo Hills District Councilni Executive ( Mody Duff-pa, Emerson Wini-pa, Simison Gredal-pa, Lohindro Pamela pa, Mohon Witter-pa ) memberrangko mitelchenga.

Ia chimonggimin Achik Kurangko chapa kaanio Mackenson Salseng-pa aro Pante Llewellyn R. Marak iamang sakgnikoba dingtangmancha mitelna namniktaia, maina uamang pilak kamon angna dakchakbeaha. Pante Llewellyn R. Marak antangan pilak noksarangko salaha aro “block” rangkoba dakataha.

Janapgimin Achik Kurangonisan ongaigija ia kitapo anga gipin gipinrangni segimin poedorangkoba donchapaha, mingsingbeako mangipa

aro manna kragipa Rabindranath Tagore-ni GITANJALIO segiminkoba ming 32 ko anga Achikkuo peskae ia kitapo donatchapaha. Bimung mingsrangode Garnette Silme-pa, Millickson Nulla-pa, Christaballe Liana ma, Arabinda Nokrek-pa, iamangkoba antangni tarigimin poedorangko iano chapa kaatna onpaanina anga mitelbea.

Ia kitapko chapa kaatani miksonganiera iako poraigipa sakprakan salantini jakni bilni nenga kamrangko dikdiksana gualé antangtangan nengtakpachina aro gisikko ontisa ranta kaat-skachinasa onga. Iano rokom rokom chanchie segimin poedorang gnang. Mitamara nomil-pante balekani, jatna songua kasaani, mako-noko gisik raani, chroke-mesae roani aro mitama jako kam dongjao chanchibewale roanirang onga. Mande sakprako dingtang dingtang somoe dingtang dingtang skani aro gisik raani gnang. Ia chongipa kitapo segimin poraigiparangko chanchiatpagen ine kadonga.

Evelyn Sonatchi-pa

- |                          |                   |
|--------------------------|-------------------|
| 1. Achik Kurang          | H. Denison Momin  |
| 2. O Achik Song          | Evelyn R. Marak   |
| 3. Ang' Song Ni-han-gram | Elison D. Shira   |
| 4. Song Baghmara         | M. Rongmity       |
| 5. Ang' Song (Tura)      | Evelyn R. Marak   |
| 6. Basako                | Jonmoni D. Shira  |
| 7. Ang' Chame            | Evelyn R. Marak   |
| 8. Kasakugen             | -do-              |
| 9. Saksan                | Couplane G. Momin |
| 10. Panteni Gisik        |                   |
| Raani                    | M. Rongmity       |
| 11. Kasaani              | Evelyn R. Marak   |
| 12. Naugna               | -do-              |
| 13. Domaskini Git        | H. Denison Momin  |
| 14. Chondon Bol          | Noho B. Sangma    |
| 15. Rongtala Cholon      |                   |
| Mingnama Bimung          | Phoebe W. Momin   |
| 16. Segrini Sintea       | Kosan G. Momin    |
| 17. Sigimin Ripengko     |                   |
| Gisik Raani              | Karnesh R. Marak  |
| 18. Hobani Sintea        | Evelyn R. Marak   |
| 19. Nangko Gisik         |                   |
| Ragen                    | H. Denison Momin  |
| 20. Randi Mechikni       |                   |
| Sintea                   | M. Rongmity       |
| 21. Matchani Sima Nia    | -do-              |



22.	Ama	Evelyn R. Marak
23.	Hagar	Tuniram R. Marak
24.	Gangipa	Kosan G. Momin
25.	Game Chagipani	
	Kadanga	Evelyn R. Marak
26.	Bilsi Gital	H. Denison Momin
27.	Pring	Kosan G. Momin
28.	Pante Bilsi	
	Chichet	M. Rongmity
29.	Dora	Evelyn R. Marak
30.	Nire Sanje	Gandisore Sangma
31.	Dania	
32.	Balpakram	Arabinda Sangma
33.	Achik Jat	
	Songdongram	
34.	Him Angai !	Jenden Ch. Marak
35.	Dobimani Kore	
	Doka	C. Sangma
36.	Noktango Kasaa	
	Dongon	A. F. Merrill
37.	Dim Dim Dim	
	Chong	Arabinda K. Sangma
38.	Mechik Aro	
	Tamaku	H. Denison Momin
39.	Wachimiting	Kosan G. Momin
40.	Golap Bibal	Evelyn R. Marak
41.	Bibal Kari	Direckson Marak

- |     |                             |                   |
|-----|-----------------------------|-------------------|
| 42. | Grika (Dakrikna<br>Reani)   |                   |
| 43. | Nangko Gisik<br>Ragen       | Christabel Sangma |
| 44. | Depante Ma'ko<br>Paako Wata |                   |
| 45. | Ang' Chakki                 | Evelyn R. Marak   |
| 46. | Balan Balsrisri             | Garnet Bangshall  |
| 47. | Kurang                      | Phoebe W. Momin   |
| 48. | Katta Saling                |                   |
| 49. | Gitanjali (Peskaa)          | Evelyn R. Marak   |
| 50. | Dokua                       | Tuniram R. Marak  |



## 1. ACHIK KURANG

Miko, Dokua, Achikni Kurang !  
Inchakpachong abri akong  
Mesok' Doraja, Achikni Bimang !  
Nitoatna mikchapachong.  
Ringbo, Dokua, Achikni Kurang,  
Achikni Bimang, Achikni Rasong.  
Darang doan kutangkosan  
Knatonikbata ina :  
Bolgrim, Ronggrim, dongjinma grim.  
Dorajaming adingpaa :  
Dokoreni wakwakana  
Dare chiring rongkuchaka.  
Kuchakboda, pante metra,  
Inchroboda Achik Songna !  
Dokru nosan' maringanan  
'Bri gittim kaa moa :  
Salgra waal natkaana  
Doregipu gisiksoa,  
Kuonboda metra pante !  
Ringpaboda — kugrimade ?  
Daken beben' tengsuana—  
Miko, Dokua, Achikni Kurang !  
Inchakpachong abri akong.  
Mesok' Doraja Achikni Bimang,  
Nitoana mikchapachong !  
Ringbo Dokua, Achikni Kurang,  
Achikni Bimang, Achikni Rasong !

Dobakrangsa nichakmanja.  
Walni joong mepilipan  
Chakkiona bilpinapa  
Walo aski sotokode—  
Hajal hajal, ringrang ringrang—  
Salgi asak maatgija,  
‘Sakni Matma Jakol toe  
Sengwat waal soritinga.  
Chakat, Achik mea mechik !  
Sengaona onangkatboha ;  
Sko dedoe, mik’ songdoe  
Kenmangija nichaoboha.  
Bidani bilchamko nate  
Sorikrikna, metra pante ;  
Duramani japaoni  
Memang Mesal Charamona.  
Kangkare kae, natatna hae  
Jajong Kadoramona,  
Susimeni mikkang minge  
Jatengana matuchina :  
Salgirani tenga ine  
Metongbolo nichelchina—  
Abong Rajan’ adamoba  
Mikbrape mikgaochina,  
Snilchimda, pante metra !  
Walgrigipa jarebae  
Walbimao sobakchina ;

Goeran' Milam ilap ilap,  
 Mikka simo riprapripran  
 Aski chacha chanmangija —  
 Nokrek salgi totaoni  
 Simsang chigrik pakramona—  
 Mikandala Achik Songna  
 Bidan' waal chingchipchina !  
 Chipat, Achik mea mechik  
 Bidan' gunko gingsikchina ;  
 Rajasimla noksikoni  
 Dobakkol kolkumangona !  
 Spoot, bidan' kubibako  
 Balsiri Balpakramona !  
 Memang songni chigaoba  
 Smildingding ringsochina.  
 Watat, bidan' kubibako,  
 Muni nange tusigipa  
 Balgirani balprongako  
 Rangsitmane mikselchina !  
 Mongnal ganda nitoriri—  
 Nikatmana mikjumangchi—  
 Mite-Sagre watmatgija  
 Achik Asong balgaochina !

H. Denison Momin

## 2. O ACHIK SONG

## O ACHIK SONG.

O Achik Song, O Achik Song,  
 Dongkuengama Nango dedrang ?  
 Toe dinge ninakgipa,  
 Bipa matgrik misilgipa —  
 Jappa, Jalimpani de-sudrang ?  
 Tipchangalama ranchangalama  
 Abrio kasinjrjm jokgipa chimik?  
 Chasonggitam chasongbrio  
 Chottongalja pante-metrao  
 Atchun' anchi jadir gimik,  
 Jokengkua sriksrik chingo  
 Ronggrim ningko jokgipa gita  
 Sal najaesa kasinchokchok  
 Dongpengeasa Rongma Rongdot  
 Tipa gita nikatenga.  
 Jokbangatda, O Achik Song,  
 Dingatpada ching' anchiko ;  
 Bipa ganda karakpana,  
 Bima maat randingpana  
 Akingtangko rakkiao.  
 Kuonatda, O Achik Song,  
 Jagipue mikselfakan  
 Nang' dedrangba ; jawa napdraon,  
 "Ama" ine chrikpanadong ;  
 Dongdamengjok kuma gitan !

Chrikana Sia dabioba,  
Ama, Nangnan ; rasongsa chana  
Chengo Atchu gitchamrangde  
Rasongnan sia sko ame :  
Chinga Achikrangjama ?  
Dongnapjawa, O Achik Song,  
Niwatari, Nangnan dingengo ;  
Atchun' gisikkosa satchimat,  
Ajeppan' Dokakosa riprapat ;  
Rasong chapakane Nang' dedrango.  
"Angkode," ine chrikat, anchisreng  
Jangate didiatkan chingko ;  
Chiksippate chapanadong,  
Sko-bikrok danpanadong  
Nangko nitatgipa'oniko.  
Mata-bua, saa-sia  
Chingko anmisilatjawa ;  
Sko sotrakgipan' dedrang,  
Grikrak torerakgiparang  
Sal sokjokon ongjawama ?  
O Achik Song, O Achik Song,  
Chingna mikchi tingtotnabe,  
Sina nangkan, tangaikugen—  
Jatna matgrik sokbadapgen ;  
Pangna jolnan Naa tangchong !

## 3. ANG' SONG NISHANGRAM

## ANG' SONG NISHANGRAM

1. Rebaode basakoba, tir..rr..roriri..motor-o  
 Salgipengchi niatbo, Amjonga antio,  
 ongjaoba Lela-o ;  
 Nikatgenne simdimdim, kasiokgen sririm,  
 Dikjongma abriko, Dikritchuni achuako,  
 Angni song songdongram minga  
 ukon NISHANGRAM.
2. Naa rebagenode, Dudnaeon ongonbane,  
 Bolpileng songdoako, choldual pinikako,  
 Porae nie rebone, Damrachina mikkange ;  
 Salgro balwa balsrio, knagenne bakrao,  
 "Aa-Oo ! Lil-lil-!" birango matcha rana  
 kurango,  
 Kenna nangja indiba, MOKA DARE gamasa.
3. Damra anti sokbao, Forest Office  
 mikkango,  
 Nikatnokne wagegrim, dodibokan  
 boksodim,  
 Gue bolan srongdim, pul bolan grimgrim.  
 Dandalmani jokbaako nikgene tadingding,  
 Sorok dakjegipako rebone dingding.
4. Jilpajane songnok, Grongchok kudambok,  
 Tonggro manggisim aro agim gonggim  
 Indioba nibone wachenggilde bangane,  
 Rori matchu palakode chaon amchakjawane



Nokking donga ritcha bri, mande banga  
hajalbri ;

Kasaan song songdongram, ian onga  
NISHANGRAM.

5. Dongja songo Sita-Ram, nikjawane  
Onga chinga Kristianrang, Gitel  
Isolni dedrang.

Kangalde bangbebene, biamede chajane,  
Kasagriksa skia, kumongani donga ;  
Robibalni salode tongringring gamenga.  
Nishangramni giljaon pilakkon okamenga.

6. Attam balsrisrio, Kisintola rikamo,  
Nomil dimrimbangbangrang

Pante jasirengrengrang

Balwa kasin opronga, Mongnal  
bibal akronga ;

Kurang kasirosiro ringenga ohro chro ;  
Namen ansengbatgenchim, dongja--  
wagegrim ;

Aiao ! ang' song songdongram, ansengbea  
NISHANGRAM.

ELISON D. SHIRA

#### 4. SONG BAGHMARA

1. Boongni nokkap,  
Rangkuni chighat,

Baghmara songde ;  
Song moonggipa  
Gittim kinkogipa,  
Salgipeng jolode.

2. Kama chigilbobode,  
Baghmara songkode,  
Minga Boong Bazar ;  
Aran basaljokode,  
Arong apal mandede,  
Dana hajar hajar.
3. Ancheng simdimdim,  
Nio nika bokdim,  
Arak basalode ;  
Ambol wachap dandak,  
Ring bola kokkak,  
Antio palade.
4. Simsang wari rikrak,  
Chisol ancheng boksat,  
Salni tengsuaao ;  
Narim, nawak wenwan,  
Banggni naripi penpan,  
Wari ningtuaao.
5. Dilsa bri ancheng,  
Silang dare akuang,  
Song gisepgriko ;  
Niwato gitcchakkrang,

- Ree nio kadang,  
Balwa balsriko.
6. Akuang ruang ruang,  
Niono mingmang gamang,  
Dilsa 'bri kambeo,  
Simsang cui tapsiri,  
Tangsik rimit mi' sari,  
Apala akaweo,
7. Silang rongpakmare,  
Gitcham rajan' guare,  
Nika chengoni gita ;  
Rongma rongte arua,  
It dalan rurua.  
Gitcham songni gita.
8. Chamesa jakritinge,  
Silang patal ruene,  
Nambea ronade ;  
Sandim boldim mitin  
Balwa bala kasin,  
Gopo-sopo kanade.
9. Rompa Simsang braram,  
Buga pante melaram,  
Dilsa warimao ;  
Natok jinjak jinjak  
Jana tindak tindak  
Chiring ancheng sarao.

10. Rompa akuchoto,  
Songreani matchoto,  
Mande hajal hajal,  
Tuenga sari giri,  
Namen mengskimari,  
Sengemu bichalni sal.
11. Gongsin mahajon,  
Agor badingon,  
Tangka mana dandak,  
Tin rangel pine,  
Gadang gni gate  
Nok rika rikrak.
12. Boong simung simung,  
Rangku bonming bonming,  
Asong chia jrim ;  
Prap pangpikminin,  
Bolsal betongminin  
Dongjaha mikkim.
13. Agrango ekilgipa,  
Saatalo gisikgipa.  
Grijok chalang ;  
Domesal dogrik,  
Bipa matgrik  
Jripjok kurang.
14. Deo rongjrigipa,  
Agano gajetgipa,

Gitcham meaparang ;  
Balwa gita balangjok  
Jagring gita katangjok,  
Dongjajok chinrang.

15. Boongni kima,  
Nokapo songtima,  
Dongenga daonaba ;  
Nie chanchiani  
Ongja didiani,  
Jaman chasongnaba.
16. Samdim boldim bandil,  
Chaa tangsikgilgil,  
Bri japa japao ;  
Rongma patal palkang,  
Rona nama kadang,  
Bol salakkimo.
17. Baosa Boongni jagu  
Gilal Gongsin aro Rangku  
Nakatjajokma ?  
Daoni chasong dambe,  
Gitchamrangna badee,  
Dakangtokjama ?

M. RONGMITY

## 5. ANG SONG ( TURA )

Achik Asong bijatchio, Abrini japao,  
 Tangsimsim dimrimrim bolgrim gisepo,  
 Donga Song damsa uno, Kasabea Song,  
 Una batgipako manjawa chasong !  
 Nikata simdimdim tangsima Abriko,  
 Gisik raa kakame kasinjrjm bolgrimko ;  
 Uno diljachime ambolna esalna,  
 Riknengja nomboke matchok mesamna.  
 Mepilprang sari sari dima bibalrango,  
 Dodrangba kurang sale ringa boldimrango,  
 Knaenga sintiako dorek dopilgimni,  
 Kasriksrik dakate mikoa douangni.  
 Sinti dopilgiman, aro bika adram beo,  
 Sko taning bingbrangpile duk mananio ;  
 Balenggipa nitogipa pul bibalrangchi,  
 Kadimea nange katong urang nitoachi.  
 Dingkario dinganiko nangachimma chakna ?  
 Kasinchokchok chiringgrim dongjamasa  
                   angna ?  
 Nitoriri bibal gita boksogimgim bala,  
 Sundare ongkate U'rang gaakona.  
 Un baksa talengrot sikdikdik ronggrimrang  
 Jeona sokangronga pante metrarang ;  
 Ansengesa reata dingkarini salko,  
 Antamahaosa u'mang ritchilbaa balko.

Indakgipa biaprangchi rona reangode,  
Gualachim antangkoan saksasanode.  
Dilja ang' songo merta pantena,  
Tomdaka unosa jatangni rasongna.  
Ilingilap chadol chine sakwenwene gane,  
Skitoka, poraetoka metraranga krenge.  
Panterangko maiko jegen u'mang ramram  
ongja,

**Jatangna** inahaode salrikoan manja.

O Ang Song Kasabea song.

Mankugenma nang' gita amoba chasong—  
Kasinjrim bolgrimrang, Sikdikdik  
ronggrimrang,

Grika chiringrang baksa kapaka darerang ?

Songko jatko chuatna krenggiparangko,

Grongna manoba pante metrarangko—

Nangni dedrangmung sako tona mangel ?

Manjawa Ang Song, Nangnin rasong onngen,

Manjawa, Ang' Song, Nanggita dakako,

Amoba bontoke agilsak gimiko ;

Indiba onpaku' gisikko kasae,

Rasong onkuna nangko demitele ;

Skikubo Nang' dedrangna, Nangko

silatbatna,

O Ang' Song Kasabea Song,

Pangna jolnan Nangna rasong ongehong !

EVELYN R. MARAK

## 6. BASAKO

Minggenma antangko atchijok rasongo,  
Atchie indaka nampaja biapo.  
Dongnua ang' song gipinni mitino  
Nikjake gipinrang antangni sambao.  
Donggenma dongnue aningni gam gita,  
Nakatgen basako somoeko uija.  
Tikjama saksana agilsak gimiko  
Rebaon dongchenga ongimin biapo ?  
Donggenchim maiba gisikko katchaatna,  
Salantin balrangko ontisa tangatna.  
Nangaijok dao gisiko sikkimna,  
Namkalgen basako manjake uina.  
Kraama nikbadena galchange antangko.  
Regenma watange ongimin asongko '  
Ingenma jechake ang' song ongjasa ?  
Krengjama dalamatna pangnana batesa ?  
Dongenga gamrang rongkolo gitasa ?  
Ongkatgen u'rang badia salosa ?  
Gualja songtangko gipinko nikenba,  
Manpagen namatna maebako dakenba.  
Rangspite nikpae jawani dalako,  
Denggoka kratchae antangni skoko.  
Mikrakja salni sal sari gri tuaoni,  
Anpilgen basako andala waloni ?  
Matnanggen antangni onana sako,



Namatna songtangko antangni jako.  
Rebaaha salrang uina antangko  
Krengna pilakan namatna jatangko.  
Dongenga tusie mikronko ogija  
Mikrakgen basako somoeko uija.

JONMONI D. SHIRA

## 7. ANG' CHAME

Ang' chame naan katongni mite  
Nangko chanchio,  
Gamchatbata gam manjawa batnade  
Nangmung susao.  
Hira mukta bao, sona ruparang  
Basik baikua angnara u'rang ?  
Salo gisik raa, waloba jumango  
Nangkon nikpiti,  
Mite chachan napa katongo  
Dila sikachi.  
Muni pudapa—metrade indakja  
Jakchi dangtapa—Miteba ongsrangja.  
Niaton anchingko kratchasik mikronchi  
Naara pangnan.  
Paraka maianchim katongni ningchi  
Kuagangijan.

Kuma gita naa kamrangchi mesoka,  
 Indiba ang' katong u'rang jadil sua.  
 Badita nangko gisiko chanchia--

Ansengbatani,

Badita ona, bate bangbaa

Nangna kasa'ni.

Gunrangna ongja, ongja nitoana

Kasa'niko ona — kasaanina.

Gamchata' komia, nitoa' dimela

Somoeni jakna,

Indiba nangna angni kasaa

Kenja rabina.

Siani beri, siani amani

Manja nisina kakket kasa'ni.

EVELYN R. MARAK

## 8. KASAKUGEN.

Miksalnapatgipa Nang' mikronrang !

Oh ! ang' katongni chingchakani !

Rongdimatahaoba mikbue karirang

Oh ! Asakna onmikaiani !

Katongo jrangkugen, sal napdaldal gita

Oh, ang' janggini attam bahaon

Gisik ragen — katchaatjok u'rangsa,

Tangchaate Dambeni sal·kon.

Nang' rinok rinok ninama [mikkango  
 Bilsirang maate tokoba ;  
 Nang' kasirok kasina kurango  
 Kurangsian brinchapoba--

Angnan balgaotokjok, Angkon kasrokatjok--  
 Anga uien kadimkugen,  
 Ah ! Ang' janggina wal sokbahaon  
 Chuongniken anga tusigen.

EVELYN R. MARAK

9. SAKSAN



SAKSAN

Kasan' walsare chingchaenga  
 Unan kasaanape ;

Indioba aganjaenga—  
 Anga dongnok grape !  
 Salantian sintiata  
 Un' baksa dongna ;  
 Sal somoe matchotata—  
 Saksan, saksan, angna !  
 Ang' sarao sengsoenga  
 Uni jabirangna ;  
 Salde danang napangenga—  
 Nanga saksan dongna !  
     Katongo jrangkugen, sal napdaldal gita,  
     Oh ! ang' janggini attambahaon ;  
                     COUPLANE G. MOMIN

# 10. PANTENI GISIK RA·ANI

1. Salgin' aramrang  
     Abriko kudima ;  
     Abrin chiringrang  
     Chibimao nangdima.
2. Sakoni dodrang  
     Jora jora bila ;  
     Abani matrang  
     Manggni gui jina.
3. Agilsakni pilakan  
     Dongimin niam gita

- Magaptoka apsan  
Janggi tangna gita.
4. Chengo abachengani  
Ongaeja saksan,  
Mini Eden barini  
Mechik mea damsani.
5. Indide ang' gawe,  
Maina angko gala ;  
Naanchime chame,  
Jawanasa mala.
6. Ang' kasa jakra  
Naan ongachim ;  
Gipin ongja metra  
Ine chanchiachim.
7. Chiring rongma patalo,  
Nang' kasako angnan.  
Parakjokchim un salo,  
Ekgrikjana pangnan.
8. Kurachakgrikako anchingni  
Kudime mohor sujokchim,  
"Daontal naara angni,"  
Ine segrikjokchim,
9. Sio omak kosasan  
Kae sina inachim,  
Kato rama dingsasan  
Kataina amachim.

10. Indioba oh, mechik,  
Ua kattarang bao ?  
Mangrakjajok nang' gisik  
Nangni kattaο.
11. Nang' ambi Hobani  
Gisik bimango,  
Chengo niam peani  
Dongenga nango.
12. Oh mechik !  
Cholguga naan  
Satanni gisik  
Napa nanggitan.
13. Naara nokmani de  
Angade kangalni,  
Mandepajanan gose  
Kalstape galani.
14. Nangni daka indake  
Ang' chasongo  
Biji gita bukama  
Donggen katongo.
15. Panterang mikrakbone,  
Mechikrangni jakode,  
Mikgil kratchagnine,  
Umang jepilode.

16. Tik mangrakhijani medal  
 Gana umang katongo,  
 Pangnaba gisik rakal  
 Daka antang chasongo.

M. RONGMITY

# 11. KASAANI.

Nangna mikchaja, mikchachongmotja,  
 Indiba nang' dongjao dukan matchotja ;  
 Nangko nike katchaana salgin' askirang  
 Mikbuata ang' gisikko u'rangni sukrang.  
 Nangna mikchaja, uija indiba  
 Maona nang' kamko nambee nika ?  
 Chanchia saksanese angara pangnan,  
 Saksa panteba batjachim nangnan.  
 Nangna mikchaja, indiba mikrono  
 Kadingsmite nangni niato ;  
 Agilsako kongoba, salgiko nikata,  
 Dongja darangba indake dakata.  
 Nangna mikchaja, aeao maekaesa,  
 Kuchimit dakmana nangchiko niosa ?  
 Hajalsa panterang dongoba sepango,  
 Nikaea angade nangkosa nangko.  
 Nangna mikchaja, indiba maena  
 Nangni chakaton noktangchi reangna,  
 Chakki dimela, aganon, "Renaha"—  
 Gisik suk'ongja, tunasa sikaha ?

EVELYN R. MARAK

## 12. NANGNA

Jatenga ang' katongo chingchakon,  
Sinsrik rinok rinok bal balon,

Metra saksasa ;

Chanchiani tarake susae,

Mikka illapana bate,

Mikkang-paea !

Bao salgimikni nenganirang,

Bao mikkangchina kenanirang,

Un' sokbaon ?

Knalni ang' dakna nanggni,

Mejalrango ang' gualani,

Naja gisikon !

Waal sambao mikkang chingchaka gita,

Nangko chanchio kadingsmitmana—

Ansengbeani !

Aram taap taapo roate,

Mikbuan' mikronko gelange,

Ah, anchingni !

Rinok balsirini kasirok mumuao,

Smilding Kasaan biba chipao

Kadingsimrime ;

Kasan' kattako changni chang

Parakmanahaoba chuongnikan' pal

Agantaetaie,



Nikkamaengoba mikokkagija  
Jorabakan bangoba-chelao gita

Mikwal watgrike,

Aganna bangdugae kattaan  
Manpilgija katongosan

Aganmituaie.....

Ah ! gualjok asakni bewal--  
Dongachim ajakni sal

Mandenara !

Pilak katchae kasrokani  
Dikdiksanasan raronan,

Baisik baikuna ?

EVELYN R. MARAK

### 13. DOMASKINI GIT

Balwa kasin balbaenga

Nanggerachini ;

Mikka bitchi rabaenga

Songdu - sagalchini.

Mite - Saljong abana,

Tamarang - tamatchina

Chi patijok.

Gamgiparang agana,

Domaskiba ringana,

"Chi jokginok !"

"Mia mia namchina,

Bol bibalranga balchina

Mikka waba !

Chikong — wari tuchina,

Narong — nachi dochina

Chi dalba !”

Balwa kasin balbaenga

Chaa — sigipana,

Mikka bitchi rabaenga

Chi grigipana.

H. DENISON MOMIN

#### 14. CHONDON BOL (Ambeng agana)

Chengoni meapa,

Pagitcham budepa,

Asong songdongbachengo.

Nokap jamang ochengo,

Mela-saldongana.

Atila nokkrao,

Timindam songramo—

Maiko pul gechengana,

Bako chengbarichengana,

Janaajokna.

Aja aringsnike wenwan,

Bri abri totsni penpan ;

Sala salani,

Wala walsni,

Amenina.

Disaba bisaba.

Tarukba tambukba,

Nokmani geetana,

Sanini donjaana,

Dongrikjajokna !

Pulrikitkon rabaoa,

Pangrikitkon pikbaoa,

Amtokaha pul mako

Song rakkina timindamo.

Kraak.

Meapa gachipara,

Rakgipa Sangmapara,

"Seo gabrimgipakosae,

Toko changbrimgipakosae,

Injokno !

Pul pangrikitchi,

Magipa Maronchi

Minge see nichenga,

Toke change rachenga,

Chirongge Dambniko ina.

Pul agipicha

Chondon Bolwaricha,

Eleti ringrang,

Mandoni gnang,

Tokoa ;

Nio nitonikana,  
Niko mikandalana ;  
Sangkniko Meenpako,  
Tokaha seaha,  
Ina.

Semanoa tokmanoa,  
Meenpa Rongdingpana,  
Sko sotrakgipa matgrikba,  
Wasisi Bandoni chini ma'ba,  
Pajajok-angjajokna.

Iming iming Sangkni,  
Meenpa chengoni,  
Bimang gilsiriangjok,  
Angil kongtok pilangjok.  
Daonaba ina.

Makringanti kenanasa,  
Toko seo namanasa—  
Wadang sito kenawa,  
Misi saljong kenawa,  
Ine,

Damdilo tokana  
Wadango sitana,  
Pul minge rajokna,  
Timindamo gejokna,  
Ina !

Indakesa Achikrang,  
 Ambi atchu gitchamrang,  
 Pul agipiko,  
 Chondon Bolwariko  
     Manchengana !  
 Unoni dipatsa,  
 Jaman jawilchisa,  
 Midamdilko gebajok,  
 Tolsi kimchit tikbajok —  
     Ina pagitchamde !

NOHO B. SANGMA

# 15. RONGTALA CHOLON MINGNAMA BIMUNG.

1. Ama bitchi, atchu ambi  
     Katta aganjok.  
     Kadimdum kasariri,  
     Kuskiangpajok.
2. Magitcham, Pagitcham,  
     Chengoni chasongo,  
     Achikrangni mande gitcham,  
     Reanggimin salo.
3. Kumonga, nangrima,  
     Kasagriktoka ;  
     Nono abi, jojong ada,  
     Mande ragriktoka.

4. Ama, apa, mama ada,  
    Aganrogrokode,  
    Sepangchin raja gaja,  
    Chonkalgiparangde,
5. Mechikranga Hindu gita,  
    Mikkang pinguruja,  
    Indioba pante metra  
    Damsande roja.
6. Cholontangtang rongtalade,  
    U'mang rakkiachim,  
    Ke a nanga inakode  
    Gelsa geltokachim.
7. Poraemanjok, segiminko,  
    Leka songbadoba,  
    Mitelpaa Achikrangko,  
    Saheb subarangba.
8. Agilsakni pilak jatan,  
    Cholon namakode,  
    Sokkujawa Achik gitan,  
    Namkalpaakode.
9. Agilsakni skianirang,  
    Changa sapaniba,  
    Andalgipa Achik songrang,  
    Sengmitchibaaha.

10. Namrorobapaengama  
Jatni bewalrangba ?  
Rongtlama, kraama,  
Kam cholonrangba ?
11. Knasingsring dakmanenga,  
Ganggu engengako ;  
Miteng miteng intokenga,  
Sronggijarangko.
12. Seko pako mande raja,  
Jiktangko galangjok  
Bia kanan sengnapgija,  
Donggriktokaengjok.
13. Cholontang onsigipa,  
Changgni guala,  
Antangkoba gipinkoba,  
Dukona dila.
14. Indigitan namjabeke,  
Kratchanachongmot.  
Gimaatna krengboke  
Achik dechongmot.
15. Ama apa gisik rakna,  
De'xo sason kakal,  
Kata raja inaejana,  
Doken skikukal
16. Mama ada dakgipade,  
Matcha mikronchi ;

- Kamikkene skibone,  
Krenga jaktongchi.
17. Meapaba mechikmaba,  
Songni dilgipararg,  
Jatangko dedonaba,  
Suttienggiparang
18. Jako kuchi pilarisa,  
Kangkareko kana,  
Waal gita kamgipasa,  
Gakimitchongmotna.
19. Jatangni mingnamako,  
Ongsiatnajokma ?  
Onti onti silangako,  
Salonriknakaira ?
20. Achik bima sintekuna,  
Maring maamkuda !  
Mingnamako rakkiangna  
Gisik raangtokda.
21. Molmolpaa ama, apa,  
Kasa ripengrangko,  
Cholon rongtale, Bimung mingnama,  
Inkukal Achikko.
22. Dontonggija krengangna,  
Nangani chusokchong,  
Kutipgija bichakkuna  
Jatang silkuchong.

PHOEBE W. MOMIN



## 16. SEGRINI SINTIA

Him angai ! daasalo mai asel ongjok ?  
 Jora ripeng rapaako anga gimaatjok  
 Game, sue, noka, jama dakani dongjaha ;  
 Segri, de gri onge, brangnasa nangaha.  
 Gipinni soksiko gose megimin kusana  
 Dongtimainok achak gita sambijak galana.  
 Atangao donggnok salgimik makkre arikari ;  
 Suuti pringo regnok kancha gri  
     chubasing olari.  
 Rejak rechim bijakko mikkangna wingnok ;  
 Badrio asechi salgimik aa gamaignok.  
 Koka disang bolmako rama  
     changket olginok,  
 Walo suurio walgimik mi suaignok,  
 Ferik delangoniko memangna pal watako  
     ake chaaegnok ;  
 Saa bidamoniko achakna chuchokako  
     chana nangaignok.  
 Mejak soa galako dewalini mediko  
     rite chaaiguok ;  
 Puta chuna joako andalachi kukipe  
     nama dakaignok ;  
 Songni ajak rimao sanamgijako gita  
     change ringaignok ;

## 32 SIGIMIN RIPENGKO GISIK RAANI

Aba rama reao achak bisako gita  
kae salaignok.  
Kamalni asiroko doo jasi gesana  
asongtimaignok ;  
Jawani ajak rimo chi bisre pongsana  
sal chakpaignok,  
Gipin toa chaako achak gita miksonge  
nipaignok  
Kni ropanakako ajong gita koronge itaignok.  
Jawani se gnange toa chaengo sae  
ningipa gita  
Gipinni paa gnange boka chinengo sua  
nanggipa gita,  
Noksik turam biapo achakma durrm gita,  
Dudap walmittangani nokma tokgipa gita,  
Dongna nangaignok ka'ko rintomari,  
Nipainok je dakakoba gisiko skimari.

KOSAN G. MOMIN

## 17. SIGIMIN RIPENGKO GISIK RAANI

Sandia manderangde bikok desusae,  
Agana mitamrangde atte pari nie,  
Ringpajawa angade Lathean chimikko ;  
Chaatja nangkode Henbane jadilko.

Rachakatjok adipsani salganchi bidingni  
 Ringnokma balgarini dringo gaari ;  
 Brangrimjok jawa songchi Bidani grimna,  
 Silang achu jakol pike bisikona sokna.  
 Manjaoba bika rana Jappa Jallimpamung,  
 Amjaoba chela sinna Suppa Bonggapamung.  
 Sikpana rejak dikil ino sosigija,  
 Krang pinna chatta awe chako batmitgija.  
 Hoho balwa mongsu rake stil giuchi ono,  
 Doma, kinma, awawerang rama brangtoko  
 Remagita jakbinge, ketcha gita toprimna,  
 Nokap maran jagatpana, tesok wegaatna.  
 Korabok Rudame, naa Korapin Dakdame,  
 Bagramai, chigramai, indin sitengtoe,  
 Aiao ! Rongchi Dalmang, wai, Rongdan  
     Salnang,  
 Salchidokna walo anga kasagija namang.  
 Nima Goka Sasok Jada nie dongaijok,  
 Basik Bikrom, Saljong mite, dao  
     bachitokjok ?  
 Sabo bijong bisirongko Merakma marokjok,  
 Detangkode nirokgija chaate siatjok.  
 Indita salrangna chagija ringgija,  
 Dalba tusija, danang, salba salnapja,  
 Maina bitena gee hibalo aka ?  
 Nisengaijok kadonggrame rakarini salna.  
 Beksagre nangdinga, bolchu ading channinga,

Mitesak dinbara salamni adapna,  
 Jeoni brangaha Bidan Chimikona,  
 Soke rechutang anramo unon anpilaha.  
 Naan janggi silchi mane salgin katchi rangsi  
 Nikatenga pilakkon kamrangko jaktangni,  
 Donkamaha chol nangon nikame Isolan,  
 Mikchin too jao nonge bichakna Uan.  
 Kadimea indakesa chanchie bewale,  
 Isol nangko dilbahaoba chione agate,  
 Uni kamna jatko dilna chirippangmitingon,  
 Jajagija janggi galjok antang abakuon.  
 Dalbata Isolni ongimin rasongrango,  
 Nangni pilak waljumangrang gimaja  
     bangbango,  
 Gitel je gital janggi patiaha nangna ;  
 Tengsubata agilsakni pilak suk rasongna.

KARNESH R. MARAK

## 18. HABANI SINTIANI

1. Angsu nang' brangbaana  
     Dikdiksa janggin' songo,  
     Angni mikron sripanga  
     Gisik-raan wario —

Andalsimsim bol gita  
Ang' pap a-ko gripdapa,  
Nanga sian' biteko.

2. Eden Barin' boldimrang  
Adam baksa sildima  
Similding kubibarang  
Chingna rinok-balgaoa.  
Bibal, bite chokchimchim  
Janggin' bolba chingninchim  
Tipchanggija Barin' suk !

3. Boljanggini salakkim  
Balwa balsri balao,  
Kading wachek roachim  
Tengan' tengsudapao.  
Wal sokbagalgaljok,  
Chipu kadingsmitjok,  
Kadingsmitchakaijok.

4. Jechakmangmangpabochim  
Mechik-surin' kattako  
Tenga onpakugenchim  
Nangna Barin' sengako.  
Angko kema kajaoba —  
Adam, anga saksasan  
Sinti-niniaegenchim !

5. Himangai, angasa  
Patjok Saoko mechiko,

Gipin ongja, Hobasa  
Almanaljok Biteko !  
Angni Ripeng, Chamena,  
Kasa' angse Adamna,  
Dingol-gramchin' Bolniko !

6. Angni gisik bilgriko  
Tenga uijajokma ?  
Dake nina sikningako  
Dontele sao onama ?  
Mainan gea uijajok ;  
Dao sintianisajok !  
Anga mechikmangmangchim !

7. Changsa gatuatmanon  
Chele gaakonanga ;  
Benga Bite chaaon  
Been, gisik matenga.  
Kniding dingsao tangaijok,  
Abel aa pilangjok  
Maan' kaa rakgenma ?

8. Dongspa dede Kainba  
Dagi mane brangangjok,  
Sese, Adam, Nangpaba  
Okna-bolma peengjok —  
Kena, sinna minggija,  
Nenga, mata dongija,  
Sianinan nengengjok.

9. Aiao chingon bonosaming  
Changsa gatuatan' bal'  
Chingo krae nangming nangming  
Napkampaosa Saoni Sal !  
Daonaba angde-angsu  
Malamenga sisu sisu,  
O, angni papni asel !
10. Papni asel chongao  
Siltokenga Tamarang –  
Mikchin' kurang jangao  
Tusidimua Domarang –  
Salni jadil kamsraka,  
Doreng skal chapaka,  
O, angni papni asel !

EVELYN R. MARAK

NANGKO GISIK RAGEN.

Deba nengtakchinaha  
Ama aan kabako ;  
Salba napna siaha  
Saliramni kolkumango.  
Patbo golap salsarini,  
Un' katongon sikrepchina—

Ia bibal manchokari  
Salsanaba balgaojaha.  
Bolma gita jadelari  
Nambatama manden' janggi ?  
Giting gita tangbangoba  
Bolgisie gaakona.  
Ninambatgipa mongnalan  
Salsanasan bala ;  
Smilbatgipa golapan  
Walon janggi gala.  
Kamal dongjama nangnara—  
Adapatna aan bimangko ?  
Sriksrik chakki sogija  
Tuatama andalengo ?  
Natengoba hajal aski  
Nang' mikronna chingchaama ?  
Walgimikan aan' mikchi  
Tipjaoba mingkugenma ?  
Balwani knalko moode,  
Rinok rinok, kaa mogenma ?  
Walo douang mikooode  
Kasuangsuang dakpagenma ?  
Na'de mikrakjawaha  
Dogisiko, ianode ;  
Aro aha andaloba  
Aro aha andaloba  
Tujawaha mikrakode.



Chamjawaha jekae chinga  
Bilsi brie chamgen ;  
Buchumae nengmanjaha,  
Chingasa bii begen,  
Pring sengbao, atampango,  
Nangko gisik ragen.  
Salo gimae, aski gita  
Chingna walo tenggen.  
Knatoa kurang jripahaoba  
Gisiko sul bingbangrika ;  
Simila bibal sikrepoba  
Bibakode gingsikmana.  
Salsa bale gaakone  
Balgipinna asel onga ;  
Aan' kabako jadir one  
Balkario similtaia.  
Aan' bimangko jongpuoba  
Janggin' birong bingbangrikgen.  
Bibalangni biba gita  
Janggini gun chipe donggen.  
Maebade asel gita  
Banobade skatrikgen—  
Nitoriri, smildingding  
Basak'bade balgaotaegen.

H. DENISON MOMIN

## 20. RANDI MECHIKNI SINTIA

1. Mama ada giri  
Singe sane oapana,  
Dongja nio sari  
Nape ajak gampana.
2. Nok jamdap busru,  
Mikka wachi jokan,  
Bara kancha chotchru,  
Katwenwene chakan.
3. Gana simpak busru  
Dingatna alamala ;  
Kanchasru biritchu  
Omakchisa nala.
4. Chudapsiko samsa waal  
Samsa pine simpak ;  
Pile pile walni wal  
Tua wal sengkap.
5. Koksrong kisang napong  
Sawa kotappakuna ;  
Jakkala bipong petong  
Sawa date onkuna.
6. Balwa balmindurini salo  
Sao napsikpakuna ;  
Matcha elbikani walo  
Sawa rike galkuna.

7. Dongja lau chi kona  
Wasing sotgalaosa,  
Koe nanga oldona  
Ambol kokachalosa.
8. Medik bekorangaosa  
Rite chaa mebitchu  
Mi chana manjaesa,  
Rikgok naa guasu.
9. Jinman' chache galako  
Walsimsimo ikwake,  
Tepe tepe dikpliko,  
Chapaejok okgape.
10. Sinti dopilgimari,  
Salko salniatainok ;  
Nini bambanengari,  
Walko walsengatainok.
11. Gana simpak bolbigil  
Ganpajachime ;  
Tangengode ang' rimil,  
Baang napjachime.
12. Ang' se siming simingan,  
Andaljok agilsakde ;  
Mikchi waring jokan  
Tipchangjaha angnade.
13. Maéna wate katanga  
Apa sagi naara ?

Maena bae donanga  
Ama angkoara ?

14. Indaka duknasa,  
Ang' rasong kalkame,  
Maena raonasa  
Kambee dotekmee ?
15. Him ! anga daasal,  
Rasong gri korbonjok ;  
Angni se siantal,  
Duk anggo onchongjok.
16. Oh angni Babira,  
Nipabo ang' dukko,  
Ongjaode tapira  
Pilathoha angko.

M. RONGMITY

21. MATCHANI SIMANIA

1. Walo wagam warikang  
Anga roamna,  
Salo kime gongritang  
Anga cha'amna,  
Wal, andal mitmatat,  
Salgra, brat raktatat.

2. Kimil kaltapprue,  
    Ang' bimangko dakjeat,  
Mikkang miktapprue,  
    Ang' mikkangko tokjeat,  
Naa, Salgra Susimea,  
Naa Babra Kalkamea.
  
3. Brit dangbritna  
    Naan silbrak chatata,  
Krim bitin tinna  
    Naan wama datata ;  
Indarokma Dorokmaan,  
Ambi Doldumaan.
  
4. Jaskil jaskilna  
    Patipabo pusimna ;  
Wama wachonggilna  
    Raronpabo wasimna,  
Jaching kongkrue,  
Waching pongjree.
  
5. Nisigipa bobil banga,  
    Sriksrik dena changa,  
Angkode pangnan ;  
    O, angni Babra Kalkame,  
Kimitpabo angko name,  
Naljoke jringnan.

6. Waku wareng siani jaga,  
Dega saani simila paga,  
Inwatsobo angna skang ;  
Mipal ningo bisi sata,  
Choldualo wachol chaka,  
Mesoksobo angna mikkang.
7. Akinte bone,  
Mitinpabone,  
Angko name;  
Samjak siksak,  
Angko pinchap,  
Namesane.
8. Samsi samin,  
Angko mitin ;  
Guri mitmat,  
Angko din-gat ;  
Doo mat chiindikdik,  
Mikogija jrip dondik.
9. Gachokchime chagopna  
Angni nikatangko,  
Wama wajul wajotna  
Angna wata paltangko ;  
Rongma chudeng,  
Angko dongpeng.

10. Saksa sakgni robrangat,  
Wagam wile chikkapna ;  
Mangsa manggni watbrangat,  
Jakeskilchi pukapna ;  
Wagop bolgop, simu goop,  
Sambranggri, angko milgop.
11. Angni Bara Kalkame,  
Patipabo angna name ;  
Jradtmdim been birim,  
Dandak dandak angna din ;  
Gitchaksoso anchi chirim,  
Tindak tindak angna tin.
12. Matchok mesam, wak, balgitchak,  
Anchakaibo mikkangchakchak,  
Ang' mikkango jadipchange ;  
Manden' jilla matma matchu,  
Sepangroro chaamangku,  
Ang' timachi sepangange.
13. Matdi, matchok, wak matte,  
Dingtang dingtang ma-ekate,  
Angna pati-raron ;  
Grangbrae chikkapna,  
Chachildenge stapna,  
Mangprak dine don.

14. Angni mikron mikjadilo  
 Muni mangataniko bilko,  
 Angni anchin' ramadilo  
 Goerani bil bisilko,  
 Bilakatbo sikjotate,  
 Matbringni raja maate.

M. RONGMITY.

22. A M A.

Sal reangjok, aiao ruutjok ;  
 Ama nang' watani ;  
 Apasa agana, Ama, Naade katangjok,  
 Baditan dukni.  
 Sikjama Ama, Nang' deko grongna  
 Mesokna Nang' mikkangko ?  
 Kapakjama Ama, indake watgalna  
 Saksakamkam depanteko ?  
 Chonmitingo Naa, kasao gipake  
 Kabaktango rae angko dingdingama ?  
 Kabadingna sapahaon, katchae kudime,  
 Ama, Naara salgi nikpachimma ?  
 Kasariri rinokbea kurangchi malmoke  
 "Ang' de", inpaachimma ?  
 Chingbegipa lem gita naa tengsudape,  
 Angna kasaachimma ?



Uijajok Ama, kasaan kamranako,  
 Badit-anaan Naa, Dakangachim.  
 Mesokjajok Naa, Kasan mikkangko.  
 Uasa angni gisik janerachim.  
 Maenasa Ama, watangjok bakbak,  
 Senggija angni jadel bolchaako ?  
 Uigenma Naa, "Angde" ine tiktak,  
 Nikataeon changsa angni mikkangko ?  
 Basakosa mangnok knana kurangko,  
 Dikdik jumang gita ?  
 Nikpanok Ama, nikna sika bimangko,  
 Sengbo badigita ?  
 Tangmitingo jekae kasaaha Naa,  
 Dilkubo gisikchi,  
 Resrete reangon mesokbo rama  
 Nape ang' katongchi.

EVELYN R. MARAK

## 23. H A G A R.

Ang songni bri rike nina nitoako  
 Gisik rao, kapak kapak, kaa suangako,  
 Balkasin baljimje balo mega balgraa ;  
 Dadinga damana pana mera doba bara.  
 Tiriri bangsin' chaana mesara, mesara,  
 Ansenga brini rikeo mega jimjeara.

Ading akuri joljol rona reangode,  
 Akasina jasengao chādenge niode,  
 Maningsa matchokni roram budu dotdruao ;  
 Drekdrok sadipil doni chana gabrikramo,  
 Miksik gitchak, gingmat ringrang dogrik  
 chaamramo.

Sam similding mongerako balwa balpakramo  
 Waa bandil bandil nina nitoe charamo ;  
 Mikron nikbitbate nia sam bibal balramo.  
 Mikchi ipakmitingbane bika adram bee,  
 Gisik ruekpilgiminba been ramsisia,  
 Maljuri jamiolgimin wagam chikspata,  
 Mikron miksongsala aro petingbora bita ;  
 Danang, apa, danang, atchu, danang ang'  
 se ratcha,

Gale reangnasijokma naa daoachacha ?  
 Mangtatna kamal kurang salmitingo chacha,  
 Sam janggi sam ripeng kano nichaopila  
 mikchra ;

Miksalpile ; niwingwange katchaa-pilmano,  
 Kasariri kuagane kadongahao,  
 Kuchil kusimtekabane mandal bibal changa,  
 Mikkang rongrimitabane jajong aram kranga  
 Chrokjok, ohrokjok, gisik duko sibokgipa,  
 Kading simit simit kuchil kurang kandikgipa  
 Jachelte asongmano ringata sreke,  
 Japa gadik, jakpa mera dakmana gisiko.

Ua gita nikahaoa, brini nitoako  
Ansengpila okkapila nie uarangko.  
Misor songni rikam nama dram ansengao,  
Chigisim chigisim ine songna jangangao,  
Mikka wae chini dalo dram anchengode,  
Skata bolgisi chenggang chini chonangode.  
Ama angko mikkang done kera olatenba,  
Redilanga drimrim ambol amnanenba,  
Nikgenma banoba ua chisam nama gita.  
Koripok alabok doma doancheng jepjepa,  
Tilu kasi tangsek samsi chaamna namgipa  
Aakweo gangipa manden' aani miranga  
Balni sako balangode gadang gadang changa.  
Samsi mitil, bakra pattal, sam dindokao,  
Gitchak, gisim, simchi rekbak matchu cha-  
amramo  
Rakkual nitime uko tilara sikode,  
Kopa gnang, nachil dekrang, kusa chaman-  
ode,  
Guale nipilmana ua gamako knao,  
Kolamronga ambol chinga uarangko nie ;  
Niri dikkol mikka simo alabok merao,  
Nina kasri, ante sreng, kimkoe kimengo,  
Dode bipa kusi onge grang pinbrue,  
Mesao mitime, geok bima bolo bae,  
Indonga aselni soko chinga basakoba  
Resrangija sket sket nokchi maningsaba

Katbae nikea noko chapana dongako,  
Rajan' chaa ongjaoba kangal chaaniko,  
Oh, nitoa song nama, ang' Misor asong,  
Gisik raatake anga jeoba dong.  
Ame apan' nok namja, indioba angni,  
Nitonika nie rona songsul nokripengni ;  
Dao anga giteltangni noko dongjawaha,  
Songchina repile bano biap mangelaha ?  
Songchina reangoba, mani salakkim salbirim,  
Manpanan kadongjaha jena kadongachim ;  
Una minga chengo angni giteltang Sarani  
Duk ona chaktogija songtangchi katani  
Salo, rama samo angko Shurni bakrao,  
Chijimjim chi kasina chianing sambao,  
Gronge Isolni sagre ingipa patie,  
"Hagar, Hagar, naa dao baoni katbae,  
"Renaka bachina ? naa nokchina repilbo,  
"Nang' giteltang Sarako manie dongkubo,  
Knabo, knabo, nangna jeko patiani  
"Dongenga mikkangchi suk ongangani  
"Anga nangni bitchriko dingtang mancha  
dakgen,  
"Bange jolbeani gimin channa amjapilgen,  
"Songdongo brini sako nikao pilakni,  
"Ongpilgen changsade ua jatna kenani,  
"Dao, naa oko chango kea gnangpiti,  
"Indiode mainasa naa katengpiti ?

"Uako nengmano, naa uko Ismael mingbo  
 "Gisiko ansenge name bisako aldubo !  
 Indine ingipako angna agana katako  
 Manie dongkuna anga uni kasako  
 Ang' gitel Abraham bebeo kadonge,  
 Toromi, rasong, gam patiaiko manie  
 Bilakroroaha aro mingsinga manaha,  
 Angko Isol indakgipa noko doneaha.  
 Anga nokkol mechikoba bitchriko jelatna,  
 Angko Isol dukni salo mangsonga dakchakna.  
 Ua Isolko wate antang songsangchina,  
 Mitchia miteko bame olakipiltaina,  
 Rejawa, rejawa songchi ine inohani,  
 Maa gita songtang angna gisik ong hani,  
 Dukni sagal chipakkore ang' ringatangko,  
 Brangoba kapakoba amchakpilgijako.  
 Tanggitik mechik alna branggipa gita  
 Grapa Hagar danang mikchi sona gita  
 Salni gasu pattang rako, nenga suskime,  
 Dilbae, dilbae deko, salakkimko ame,  
 Pilakchin arang adang, nina sri sri,  
 Salakkimko mankunama dingolasa bisi.  
 Gri doanjek majeka, gri mikoa dokruni,  
 Sal chugrgaoba dongja mikoa huroni.  
 Pangna jaku chanronggipa salchame  
 dokurok,

Mai bolo baenba danang mikognok  
 Jena anga pangna gose gisik kasroka.  
 Knatori kasariri bano mikonaka ?  
 Katang katang gose angko galenba,  
 Pangna ongronga salni mtoarigipa  
 Angni sona daaldiko duko galenasa,  
 Chusokjok, chusokjok, angni manigijanisa,  
 Indake chanchie ree nichaoora,  
 Sepango nikaha ua dimima bolkoa.  
 Indake sengsoenga donsoa nang' dena,  
 Ina gita, jipjang jipjang moenga balwana ;  
 Asongaha salakkimo deko bakbak done,  
 Chi gnanng mosokniko jakasichi one  
 Katome rabita pita skango chaako  
 Onaha jakrachi dena ua onaniko,  
 Salakima kasinoba ua beenasa  
 Salakimatpaenggen katongni duknasa.  
 Been kasinoba danang dukde gimajaha,  
 Niwate nikoa songko grapna nangaha,  
 Greja ripamchijeni mikron burungni  
 Rurongpaja pangna jolna mikka balwani.  
 Duk, kalima aro rama rebaani  
 Skangni mikkangde danang dongkugen baoni  
 Deni janggilchi mikchi ipake, ipake,  
 Onatenga jaksamsachi okkurio done  
 Indioba tingtotsade detangni beeno

Boom boom gaakdapjok onatpamitingo.  
 Rangsan nipile ua kasariri dake,  
 Ai, ai, angni songna anga kapake,  
 Ongjaoba mikkangchini duknasa babae,  
 Grapengajama ? naa nokchina repilna hae,  
 Gipake kudime deko hikhikari grape,  
 Kurang tangsokgija dake knuchi pindape,  
 Angna ongja, angde, angade nangnasa,  
 Galnasijok duko anga ine chanchiesa.  
 Ang' gitel Abrahamni nokchina reinge,  
 Dositangko kurachake olakkieode,  
 Nokde nokchaksogenkonchim, indioba angna  
 Mai rasongko mane anga kaa dongtokuna ?  
 Naan dejakra gita ongade ongpara,  
 Denokkolsa, Ismael manrikgnikoa  
 Naade manjawa angde, mangel Ishaksa.  
 Uanasa dechongmot ine ongenkon unasa.  
 Indake onggenode anga mai mikilona  
 Skim, grapenggipa antang mechik nokkol,  
 Reangpilkugende dongna uani nokona.  
 Uandake nasimangni golmal ongniko  
 Niksoenba arikatjok, Ismael, anchingko,  
 Isolni namnika jeba ongchina anchingna,  
 Mechik suri kangal onga brang sretchina."  
 Manchong angnigamko, songo dongengode,  
 Nikchina anama gamna bolgrimariode,  
 Abriari song dongna, angasan name dong ;

Jakgitokko krengnok, anga rakbakuchong.  
Aldue dalatjok angko dingdinge kudimjok,  
Name bajok, ama, naa nenge kokdok kok-  
dok.

Nangkua okkana angna mangel baoniko ?  
Due, one, dongspako chapana jamano,  
Okkaeba, okkajaeba ongnika giminko  
Antang okna chakugapna kangalari gita  
Saan salo sana angko dongtime badita.  
Unikoa ongkataha rena ramatangko,  
Mikkangchi dakanggipa Beersheba bakrako ;  
Salni saljatchiko bate ontisa rejite  
Kasinkala salni dinga beenko kasinato.  
Indioba, regipa mande ramako reode,  
Chakna amgenmade ua ringna sikakode.  
Unaminga pangna noko dongani giminde  
Amchakpajaenggen danang hisa Ismaelde.  
Adita nengtakaani ramako reangon,  
"Ai, ai, chi ringna gitok rana," inon  
Bitaiengjok bisa mako nipilatenba.  
Mikkang mikgitchake, gramchi singsolenba.  
Changsa ringahaode chi bonok mosokoni,  
Ringtaina ampaoba mankugen baoni.  
Apala agisi ua Beersheba bakrao  
Ban chiko manpakugen samsian siengo.  
Saljadare roramara rikraka chi gita  
Guale regipa rama brange sreta.



Indonga biapo mechik maiko dakna ama ?  
Measan sina nanga bilakkugnima ?  
B naha mosokni chi ringtaion changsa  
Amajok mosokkode galangarinasa.  
Indiba banoba chi gnangode kona  
Rabitenga jakbitenga ua depantena.  
Maani mikkango dongechina kasoksie,  
Saljadare nikatako chi ine chanchie,  
Daaringnasa bia maani geetako  
“Ongja, angde, ongja” ine bengate uako.  
Isolni kasara banga gisiko chanchie,  
Kua rintomari Hagar peo mikchu rue,  
Salmangguri dongpengaba tengsua dongkua  
Jajong nawang minokaba samsade nikkua.  
Indiba, Isolna agre gisikni dalako  
Pindipa, niksona amja je ningtuako  
Ua manden' gisikbane dongpaa Hagaro,  
Gualpaja danang mechik indonga aselo.  
Maio karang-chakpakugen jarikangpanasa  
Nangaijok jamanode dena kalimesa,  
Sengchakjajok katong uina deni siako.  
Nikjachong mikronba ua ao gaakako  
Jedakeba daasalon sigen angdeara,  
Maiko dakpakugen gose anga niaria.  
Deni sambaoni kata kore chaa gita,  
Tangsoka chrini bra chelao babita

Kasokja indib adanang deko nipilgija,  
Galsrange katangnade kasaningpaja.  
Chake antang mikrono detangni mikkangko,  
Mikkanggrike hikhikari galaha mikchiko.  
Oh, Isol ia salo nangni nokkol mechik  
Bipaa nikenga naa bano angni gisik.  
Jokatpabo, Gitel, angko sagal apalao  
Kurachaka gita nangni skango bakrao.  
Kinaa salgio ua kasagipa Isol  
Hagar, Hagar, Hagar, okama salgio  
Mai ongaljok naa rimpilbo kabako.”  
Manpilaha, una bate agana dongjaha ;  
Skanng gitan una gam dao ongpilaha.  
Chakate Soarchi rea songdong achaena  
Chakate Soarchi ree songdong achaena  
Gnang grioba ua kasroka Isolna.  
Ripamchi sonan bibal pring sengbara,  
Saporiri, nitoriri bri niwatoa,  
Boksoriri, gitchak, gisim bibalni balarang  
Dimrim, Dimrim nitoata aani boldimrang,  
Repana skama ripeng ua bakraona ?  
Dukni ari bademano suk ongramona.  
Daatam kasrokoba knal sal sokode,  
Duknirara mikchi rera ongpilgen uode.

Indake manderanga salanti reenga  
Salko nie kam kana je mandean changa,  
Uasa antangna nama cholko manpara,  
Ongjaode rama gimik onngen duknirara,

TUNIRAM R. MARAK

## 21. GAMGIPA

Naan niksokgija sagal apalao  
Chongipa janggini ringko kimkim mangrakao.  
Naan paa gita chacha asong gimiko  
Rebae ongipa pilak nangarangko.  
Nangchin uia aro changa sapaniba  
Manenga songtangko chuatanikoba.  
Gamaonikosa nangni bree hadinge  
Gipatenga pilakchina malko onsree.  
Bilsio jasamang dongode nengtake,  
Asongni mandede tanggenchim maidake  
Kumonganirangba gimagen maikai,  
Churorangani bongenchim ruronge.

Dongja asongo apsan nang' gita  
 Pilakni janggiko ripinge tangata.  
 Jakgitel gamgipan raja saksani  
 Antangon chuonge dongja mandapani.

KOSAN G. MOMIN

## 25. GAME-CHAGIPANI KADANGA.

Abri kasinjrim salni napo,  
 Salgimik nengani badeao ;  
     Cheloba ang' rama,  
     Nengako guala,  
 Gape chanchiani ang' gisiko.  
 Hawa simdimdim abrin' japao,  
 Terakrak ang' noktop bisao ;  
     Senga – Nengtakani,  
     Gapa – Kasrokani,  
 Nangama maikoba ang' gisiko ?  
 Jaksamgni rimchakna sengenga,  
 Miksamgni nikna sike chingenga,  
     Kuchilko moate,  
     Nachil songjole,  
 Anga maikae miksimbrabeenga !  
 Srak, srak jaku gambaa gita,

'Hawankon' – mikron nikbitbara ;  
     Ang' sokangujaon  
     Tarijokna pilakkon,  
 Chaani – ringani Rajana gita.  
 Nokkolrangko nangjana Bina,  
 Rakkigipana krat-chachakana ;  
     Onosa jaktangchi  
     Dine angna mi-chi,  
 Gisiko katchaani gapana.  
 Nangja chingna rang-gamrangko,  
 Balbingbing gana chinarangko ;  
     Silni tala – lotta !  
     Esal, laude maia ?  
 Sa mikbuna burungni onako ?  
 Mana bangja, nangba-nangdapja,  
 Jawa mankan – Mikketchi nija,  
     Gramchie manani,  
     Gisiko chuongnikani,  
 Jawako nikna anchisreng dakja.  
 Ahan' salgio dongenga gita,  
 Aa – gamesan chaomangba,  
     Dongja sintiani,  
     Gapa kasaani,  
 Hawa ang' Noktop Bisaoba.

EVELYN R. MARAK

## 26. BILSI GITAL

Kalimani, katchaani,  
 Reangtaiaha bilsisa  
 Jringjrotni sagalona  
 Somo tingtotangtaiaha.  
 Abrin' chiring jokdoama ?  
 Anpilgenma okaode  
 Soolanggimin somoiara ?  
 Mikjumangchi niktaiode  
 Ang' katong kadimegenma ?  
 Balgaogija sikrepgimin  
 Ang' gisikni bibalrangko,  
 Bite gri ruronggimin  
 Bol bijakko balpakangbo !  
 Ang' chusokgijanirangko  
 Manna sikgramaianiko,  
 Dane bonanggiminona !  
 Jokanggimin jokdojaoba  
 Sikan, chimik tipchanggenma ?  
 Chusoksranggipan' boloni  
 Jaksokgija biteko akna  
 Joton — kaan jakchotgenma ?  
 Balpongangbo namgijake,  
 Dinggrikani bisirangko !

Balbataibo gital balwa  
Christmas-ni nama kattako  
Agilsakni saknaako  
Kassan' samohi kasinatna ?  
Reang gitcham, reba gital  
Kading' chrok-mesaani !  
Galat gitcham, raba gital  
Katongna kadongsoani !  
Patianiko rabataibo  
Bilsi gital jaksamgni  
Bonaigenma walsareon  
Rikrak rikrak songjinmarang ?  
Susrangoba mikchin' chion  
Tipjawama ahan' marang ?  
Nang' dedrangni anchiosa  
Miksuama Oh Agilsak ?  
Mankugenma rongtalatna  
Chasipgimin namgijan' dak' ?  
Nengtakjawa manden' gisik  
Salgin' songnok' riktaijaskal ;  
Dingol gramchian ranjawa  
Aha' salgi pilatjaskal.  
Rongchingtaegenba sal' mikkang  
Aram simgopdapengoba ;  
Sinkarin' wal bakrooba

Namgipa pring rebaengaba.  
 Karakako mesokmane  
 Balmanduri jripjawama ?  
 "Tomtom, tomtom', balsri bale  
 Balgirako tuatjama ?  
 Bilsil gital rebaama  
 Aan' dedrangna kasaani ?  
 Tengtoani atchigenma  
 Agilsakna tomtomani ?

H. DENISON MOMIN



## 27. P R I N G.

Wal bonangaha, Sal ongnakaha,  
 Agilsak mikrakjok.  
 Namen andalgipa katangjok bachiba,  
 Askirang dongnujok.



Salgran' patra obaana, Pring dogisikana,  
Sari grian,  
Krat channinggija, Kamna simsakgija  
Tugenma biapon ?  
Chugipa biapo A'ratjok kosako  
Sonan biginchi.  
Gita sam bijako Nika sosiako  
Walni ripamchi.  
Salgroni balwa Balkasin bala  
Sinjrimata ;  
Bibalni bijako Nange pakkoreo  
Illengata.  
Doo matrang walo rogi-parang  
Pring sengbaana,  
Bisatangko rime, Kalgrik chaamjole  
Katjok burungona.  
Janga samtangtangchi Knatoatachi  
Mikoa kuranga  
Dukna kalimo, Kamo nangskimo,  
Kastoka gisikranga.

KOSAN G. MOMIN

## 28. PANTE BILSI CHICHET

1. Been bimang ritchenga,  
Gisik katong ansenga,

Pante bilsı chichet ;  
Kato jarakmiting,  
Reo gongrakmiting,  
Nenga dongja rektek.

2. Greng an-greng salmiting  
Srongdingding :  
Gisik chadorengmiting  
Ting nating ;  
Chi gita dalchamiting,  
Waal gita chingchamiting.
3. Jakgitele dalmiting,  
Niam ningo gongdolja ;  
Anchi wari dingmiting,  
Kene dildilgokgokja ;  
Gisik wamisilgija grangchak,  
Been anskitgija krangtak.
4. Panten' salrang ansenga,  
Salni salna sukni suk ;  
Gisik katong ritchenga,  
Bangbeoba damben' duk :  
Ding'a gisik gigaogao,  
Been bimang sojaojao.
5. Nambatgipa janggin' bak  
Rakna kiro sikmiting,  
Pante ajak grangchak,

Mikkang rongchingmiting ;  
Pantemiting saloa,  
Bibalmiting balgaoa.

6. Pante rokrek balek  
Niam grona kenjatek,  
Jaksi gotekaia ;  
Meapa danggna  
Agana magina,  
Sko rokrekkaia.
7. Skatango rea,  
Niam gro pea ;  
Pante nagrak ;  
Sai rabia,  
Salbi-jabia,  
Katong kagrak.
8. Anchi dinga galchaa,  
Bate bate wachaa,  
Bilsi chichet dambea ;  
Reo rekunagitik,  
Gamu rimkunagitik,  
Dongja panten bil bea.
9. Sina dinga uija,  
Waku warengna kenja,  
Gisik waal chingchao ;  
Kengni, signi, been anskitoni,

- Dongja tangpilani gisik wamisilani,  
Dare pante chadrao.
10. Dakgni kamo tangdata,  
Gipinrangna pakwata,  
Dongja pantechachao ;  
Sagren' kena biapna,  
Pa'a pante chadrapna,  
Anchi wari dingchao.
11. Gisik katong natiktak,  
Ja'a jaka rosiksak,  
Dake nina sikaani ;  
Panten' jaa chooa,  
Donkuade maikoa,  
Dongja nima slaani.

M. RONGMITY

29. DORA

Allano gnangchim depante saksa—  
William bimungde-namchiktangko Dora.  
Gisiko chanchia' iako pangnañ —  
U'mang sakgniko kimgrikatnan.  
Dorade uien Wilna kasachim.  
Sakgipin pantede una jabolchim ;  
Indiba maikagen iasa dukni —  
Dongja William Dorana kasaani —  
Salsao Allan detangko okame

Molmoljok uko indine agane,  
"Angade, angade budepa ongjok,  
Siani salrang sepangbaengjok :  
Indiba anga sina katna skang  
Sika manpana iako mangmang –  
Dorako kimbo, kam cholon nama,  
Kraja, inna manjawa nangna.  
Iakon anga sal wal chanchienga,  
Ang' suko nikesa siangna sikenga."  
Agansrapkujaon Wil agansotjok,  
Paa ine minggija jechakataijok –  
"Anga Dorako kimna manjawa,  
Siode sikan, kimchongmotjawa."  
Budepan' bika rangsan chingchajok –  
Dechi jechaka !- Chakna amjajok.  
Agana totae iako ua –  
"Gisik rabone sako inchaka.  
Apan' kattade angna niamne,  
Jasana onkua somoiko nangna,  
Ongjaode uibo, nanggen katangna ;  
Chanchie rabo, William kattako  
Chusokataebo nangpani sikako."  
Indiba William kuchilko chike,  
Aganchakgija dongjok asonge.  
Adita salrang dao reangaha,  
Indiba Wilni gisik uanaha.  
Dongrime pangnan noksano damsan,

Manja kasana Dorana danang,  
Badita nika ninan sikbaja,  
Gisiko sikoba kasana manja.  
Chanchia gisiko, manjawa sena  
Kasagijako 'antang jorana.  
Sejeoba namja, rikgalgen uko,  
Mangen unbaksa paani saoko.  
Wilni gisikko Doraba uijok,  
Uioba daoa jamanchakdugajok,  
Apala sagal mangen tipchangna.  
Tubea wari salni jadilna.  
Indioba kakket kasa' katongni  
Tipja jringjrotna ongchong siani.  
Mikron mikchi ongoba ongramaeaha,  
Kasaska' manjaoba kasakamaeaha,  
Nina siggija mikronchi nioba,  
Chakaha Dora kaako rimeha.  
Jasa ongajian William kataha,  
Gipinni noko dongnapeaha.  
Paani noko donge duk chakana bate ;  
Gisik' sukkon nangbata, ine chanchie.  
Uno adita dongan' jamano.  
Ajak sokjole adita mikchae,  
Kajok Maryko antangna sepae.  
Bia kana'ne konta dokaton,  
Allanba, Dorako antang noktangon,

Okame aganjok iako una  
Bengjok Wilmangna kusik omangna –  
“Uibo Dora, anga kasara beben,  
Indiba katta manibo namen ;  
William, ba uni jikgipana  
Kusik onnabe u’ mang sakgnina ;  
Angni sikaan Niam pangnan uibo.”  
Chanchiaha Dora, “Maekae onngen,  
U’ mangna kusik ongija dakgen ?  
Kadonga indiba mamatang’ gisik  
Dingtanggen, gualé antang’ kusik.  
Sokbaha daalo porika una,  
Katongni kasaako toe nina ;  
Williamna kusik omangmangode  
Rikgala mangel mamatang’ jakode.  
Indiba maekae ka’ chakna mangel,  
Kasara mandena dala dakgen ?  
Dongkua Dorao kasaani una,  
Gipinsa manoba mikbugen maina ?  
Manangjok beben uni bimangko,  
Manangja indiba un’ jagringko.  
Kurachakjok Dora duk manoba,  
Kadonge gisiko ua maekoba.  
Adita jarang dao reangjok,  
Williammangnaba depante patijok.

Katchapajok, indiba ruutgijan,  
Sokbaaha u'mangna dukni salrangan :  
Namjaha mi-misi sal-karina  
Dingol-gramchioba, manjajok oktangna.  
Salantin repaka paani nokko  
Kadonge, chanchigen dukni salo.  
Indiba Allan mamungkon uija,  
Maeen ongenga singroken nija.  
Dorade uia u'mang obostako,  
Rangspitronga chanchie gisiko.  
Antang chimongako pelsa pelgni,  
Ganna chinan' baksa chaa ringani,  
Sriksrik donnue watatparonga —  
Mamatang uija — dakchakatronga.  
Sawa dakchaka, sawan onata,  
Uija Wilmangba mitelatnaba.  
Ruutgijan William saa nape  
Watangjok agilsakko dukan gape.  
Dorana dao agilsak andaljuk,  
Mikkang nikakoba Sian mikbujuk,  
Kaa beoba uni gisiko  
Kadimekua kasan' bilo.  
Siana kalima ongaea mesoka,  
Chanchina nangaba tanggipanasana.  
Mamatang bengako minggija salsao,  
Reangjok Dora chanchie gisiko —  
'Angni aselea William sagia



Rikgala manjok paan' nokonia ;  
Anga dongjaode duk chakjawachim,  
Kusi ongaosa janggi tangpagenchim ;  
Manjaha dakna un' tangmitingo  
Angara mamungkoba sikoba gisiko ;  
Indiba kasara anga pangnan una,  
Dakkugen namgniko uni depantena'  
Dorako niksoarin Mary chanchiaha -  
'Segri onganasa chonnikna rebaaha ,  
Maena Maryba jaride ongpaja,  
Doran' Wilna kasaako uipaa.  
Indake chanchie, Mary gisiko saaha.  
Depanteko nie mikchi ongaha.  
Nikarion Dora u'mang maningsako  
Manrikajok tipatna mikchi gaakako.  
Aditan jamano Dora, sepangchi reange  
Aganjok Maryna, dukan gape,  
"Daalona kingking, mamani kattako  
Maqiaha, sikjaoba angni gisiko.  
Ian angni pap-angni aselosa  
Manjok William nangmung dukkosa.  
Sigipani asel, Mary, indiba  
Nang' depantenasa anga daalo rebaa.  
Maman' katong, ia bilsa mi-misi sile,  
Katchaa kusi onga pilakkon gualpile,  
Unigimin onbo nang' deko rimangna  
Maman' mikkango anga mesokena.

Bisako nikode — kusi ongmitingo —  
 Kasanaba donga sigipan' palo"  
 Watatjok Mary detangko un' baksa,  
 Kadonge gisiko ongpagen maeba.  
 Indiba un' salo chusokna manjaha,  
 Mamatangko grongna Dora kasokjaha.  
 Salsagipaosa, Dora rimangtaejok,  
 Mamatangni abao kalgrike rodiljok ;  
 Krae nikchina 'ne, mamatang nikao,  
 Bibal ripokko patjok bisan' tupio.  
 Nikatjok Dorako chelaon Allan,  
 Watbajok kamtangko ua bakbakan ;  
 Rebae singaha, "Mejaloa bachi ?  
 Maeko dakenga ? Bisara sani ?"  
 A'chi bamchikopjok-danang-mechiksan —  
 Kena gnang aganjok, "Williamni dean,"  
 Allan iaaha, kao nangan gape,  
 "Bengjama Dora nangko pile pile ?"  
 Dora aganchakjok, duk mikchio,  
 "Nangni sika gitan dakaabo angko ;  
 Iako molmola, indiba mama,  
 Bisako rimange aldu-mitangchina."  
 Allan inaha, "Nasong chalakkiko  
 Uijok nasengni kumonggrikaniko,  
 Naasa angko skia dakama ?  
 Angni dakna nangako agane onama ?

Angni kattan niam ine naa uiaha,  
Indiba uko pena daal kadongaha.  
Jeba ongan-aldugen bisakode,  
Mesa-mesoktaenabeaha nang' mikkangkode"  
Indine agane, bisako rimangjok,  
Dorakode ontisaba nipilmangangjajok.  
Kusi ongan baksa duk Dorana sokbaaha.  
Maryona mikchi gape saksan rebaaha.  
Bisako niksojana, Mary kusi onge  
Miteljok Isolko, uigija tale.  
Dora inaha ; "Mama rimangjok nang' deko ;  
Indiba Mary, anga molmola iako ;  
Mama angko daal intal nina sikjahana,  
U'nigimin nang' baksan anga dongpanaha."  
Mary aganchakjok, "Ia onгна manja,  
Angni aselo naa duk chakna nangja.  
Onjawaha ang' deko nang' mamatangna,  
Skiaegen bisako maatangko chonnikna.  
Hae, angmung rebo, bisako rimba  
pilgen,  
Nangko rimpilchina anga molmole  
nigen.  
Nangnikjahaode nangko, damsanan  
donge  
Alduna bisako, apsan kam kae.  
Kumonge sakgnian u'mang reangaha,  
Allanni nokona bakan sokangaha.

Doga oa gita u'mang sriksrik niuaton,  
Nikatjok bisako atchutang japingon ;  
Kasabea gitan Allan sutangko doktope  
Kalgrikengachim, ua kusi ongan gape.  
Indakmiting somoeo umang napangaha.  
Magipako nike bisa rena grapaha.  
Bisako rime Mary, aganjok Allanna,  
"Molmolna rebaja, ang' denaba ongja,  
Nangna kasagipa nang' namchiknasa :  
Dorako rimpilbo nokna, ang' deko  
rimangnok,  
Pilakan skang gita apsan ongginok.  
Sina skango William agananga,  
Angko kimanio dukde manjana :  
Indiba kurachaka, iade gualani  
Pena kattako kasara paani.  
Chakgimin antangni pilak dukrangko  
Uiatna sikja nangna u'rangko ;  
'Isolan nangna patichina' ine aganchote  
Janggi galanga, nangna patie."  
Iako aganon Dora ka' chakna amjaha,  
Gisikehi nikata, mikkang donnuaha.  
Kuturiba dikdiksana dakjok jripjrang,

Indiba Allanni ka' hejok rangsan :  
Grape aganjok, "Angni dossa,  
Ang'de siangaha angni aselsa :  
Angni dos—indiba anga una kasa',  
Isol kema kachina—uan ang' dossa."  
Antang sutangko Allan nitate  
Grapchaahə, detangko gisik rae :  
Baditan kasaahachim, ua detangna  
Changchikung dukko manbatjok, kam-  
tangna  
Daosa pilakkon ua gisik rajok,  
Antangni kamrangna kaa bena nangjok.  
Uamang sakbri ua sal intalan  
Damsan dongaha noksanigitan.  
Bilsi reagjok, ruutan jamano  
Se kimtaejok Maryde katchao.  
Indiba Dorade janggi tanga dipetna  
Sejaha darangkoba antang jorana.

EVELYN R. MARAK

## 30. NIRE SANJE

1. Grimchi Bacharin' dedrang  
Achik pagitchamni  
Gisik rana dongkuenga  
Daoba u'mangoni
2. Okgilma Chambilma minga  
Niren' makuriko ;  
Balongre Balongjak dona  
Sanjen' mamikkimko.
3. Segipara a'ko o'jok,  
A'pitni a'kingko  
Mite raka bisik donga  
Jinman' o'gijako.
4. Aganachim songsulrang,  
Da dak bisik raka ;  
Uko wanggip' pe'gipade  
Pangnaba jokrongja.
5. O'e pe'e matchotmano  
Mite rime sijok ;  
Unochachan Nirekoa  
Ma a oko kejok.
6. Sinti dopilgimna nangjok  
Seni jamanchisa,

- Walariri salariri  
Seko chanchiesa.
7. Ka·sindikdik, chiindikdik,  
Noko segirisa  
Salrikitan gualgija  
Sena kalimesa.
8. Agilsak andaljok  
Waljatchin' wal gita,  
Song nokba kasinjok  
Mikka dima gita.
9. Do·kua ranin' roram  
I olma grim grim :  
Inwatako k'najajok,  
Kasinjrimjrim.
10. Kawatangko nikna ske  
Sipanaba sikjok,  
Mite rime sibo ine  
Antangkon alonjok.
11. Singode nikkugenma  
Ang' seko banoba,  
Jarikode srapgenma  
Senggenma angkoba.
12. Napak a·song kera onram  
Chidimak chiringo,  
Srapgenma kasin kasin  
Nangko jarikango.

13. Srapode jarikgenchim  
Kasinjrimjrim,  
Sonabal Meseki Chitmang  
Simsangni jarim.
14. Ninijok mechik danang  
Duko sibokgipa,  
Knatoriri kasariri  
Ku-rang gaanti gita.
15. Indaka aselrang soko  
Saniba gisiko,  
Mikchi ritok gaakgenma  
Segrin' dukko niko.
16. Salantian dukko chake  
Noko donggenoba,  
Maeko cha'e tangdilpagen  
Ang'de atchioba.
17. O'e donanggipa a·bao  
Mia misi galjok,  
Danang bilsu karitango  
Mia misi namjok.
18. Kadongachim segri mechik  
Mi-misi manpana  
Uko cha'e seni jaman  
Janggi tangrikpana.



19. Indioba rebaronga  
Burungoni matchok,  
Walantian cha·eronga  
Mi misiko rikot.
20. Mechik danang riko manjae  
A·baoni matchokko,  
Saoba bone siatode  
Ongenchim detangko.
21. Ka'o nange walni wal  
Indake rikronga,  
Walantian oko kea  
Detangko palronga.
22. Indine rikrongako  
Matcha k'nadikjok,  
Anga bone chike galgen  
Ine kurachakjok.
23. Walantian matcha rebae  
Matchokko chiktokjok,  
Un'talan burungoni  
Matchokrang bontokjok.
24. Ruutgijan Nirekoa  
Nikkang nikbebejok,  
K'narion rime katna  
Matchaba rebajok.
25. Randingenba singeaha,  
"Nang' deko kanggemna ?

- Maekoba pasikenba  
Dao jechakgenma ?”
26. Kangrikjawa rimangaibo  
Ine aganatjok,  
Detangni mikkangko nie  
Magipa graprikjok.
27. Rena skang mechikchiko  
Matcha nipilaha,  
Mai bimung mingbo ine  
Magipao singaha.
28. Uko knae magipara  
Matchana inaha,  
Nire Sanje mingbo ine  
Ku·patiataha.
29. Rimangenba ramajoljol  
“Nireko ’ – mingangjok ;  
Do·grikna totro onge  
Bimungko gualjok.
30. Rebapile magipao  
Bimung singtaejok ;  
Nire Sanje mingbo ine  
Maa agantaejok.
31. Nireko rimange matcha  
Nokona sokejok ;  
Mamaanti cha·aniko  
Nire-na onejok;

32. Nama tpa cha'aniko  
Maha maha cha'e,  
Terokbalbal dalbaengjok  
Nomil sakgitchake.
33. Dalbajok Nire danang  
Salantian cha'e,  
An'sengpiljok ina danang  
Matcha baksa roe.
34. Ripok, sisa, bara-kancha  
Namako ganatjok,  
Dalahaoa Nire danang  
Matchan' jiksa ongjok.
35. Basakoba dukni salo  
Nire gisik rajok ;  
Gisep gisep asongtangna  
Dao sintiatjok.
36. Namjaoba ama-apan'  
A'songo dongode  
Kusi onge noksulrangchi  
Mangenchim ronade.
37. Cha'na ringna dongjaoba  
Cha'genohim manako,  
Rajan' chaa ongjaoba,  
Kangal cha'aniko.

38. Cha·aniko manparonga  
Gipino gamode,  
Antang mian ongpaejok  
Nokona sokode.
39. Donsogimin dukrang soka  
A·selrang mandena,  
Basakoba kusi onga  
Na·ade antangna.
40. Songni mande doke-dame  
Sike bangsirangko,  
Gualata basakoba  
Changsa nangni dukko.
41. Bilsi jring kusi onгна  
Anga manpajaoba ;  
Kusi onge ropagenchim  
Songtango indiba.
42. Bilsi soko songsarikrang  
Changsa kusi onge  
Chrokachim dukko gale  
Ganggi-ajong male.
43. Gisiko mingatenba  
Jakchi dokata sreko ;  
Japa gadik, jakpa-mera  
Dakmana gisiko.

44. Indake an'sengani salko  
Mankugen banoni ;  
Mangenoba an'sengako  
Jokjawa setang'ni
45. Ripeng jora onggrikmane  
Jeko raahaoba,  
Kasaani cheksikgimin  
Ekja indioba.
46. Nireko agngjok matcha  
"Antichi re·genma ?  
Antiko nikode naa  
Kusi ongpagenma ?"
47. "Bano anti mae minga ?"  
Ine Nire singjok,  
"Dimrim·Bri Palwang Anti"  
Ine aganchakjok.
48. Kurachakjok Nirebaan  
Antichi re·pana ;  
Chelbeama, ansengama ?  
Palarang bangama ?
49. Mikkang nina kambe tona  
Atgipa antisa :  
Renakode re·aibo  
Na·a tariesa.
50. Nitoatna tariatjok  
Matchaba jiktangko ;

- Gana muga, china asim  
Jakona sandapko.
51. Reangaha antichina  
Burungni jatchiko.  
Nitoatna gankapatjok  
Ripok dokatchiko.
52. Balsri balsri ading kro,  
Balwa pangsang pangsang ;  
Reangaha nitoriri  
Matchan' mikkang mikkang.
53. Songantini pante metra  
Aro banga mande :  
Rebatokjok pilakchinin  
Nokko jamko wate.
54. Mikkang nisusana  
Aro kambe tosusana,  
Gipinrangna batkalode  
Antang rasong chana.
55. Gitchak gisim tangsek rimit  
Ganbae barako,  
Namjaoba sela dake  
Mesoka antangko.
56. Bararangko mitap mitap  
Nakate gandape ;  
Remikmike aganmaia  
Chorasi gadape.

57. Manchia sal sokahaoa  
Pilakon rebajok,  
Sokarin' chatimole  
Matchan' jikko nijok.
58. Ban' songni sani de  
Ine singriktokjok.  
Matchan' jik Nire Sanje  
Ine agantokjok.
59. Changrae gitok dee  
Nireko nitokjok,  
Rebagipa gimiknade  
Sanjean nambatjok.
60. Chanchijok bangani gisiko  
Nireko manpana,  
Seke katna chanchioba  
Kentokjok matchana.
61. Re-roroe niroroe  
Matcha anti chajok,  
Indakmiting somoeo  
Nireko sekangjok.
62. Ban' songni sani de  
Sekanga intokjok ;  
Napak Bol Matchin' Borak  
Ine agantokjok.

63. Jiktangko sekana matcha  
Namen ka o nangjok ;  
Bobil dingna aganemung  
Noktangchi katangjok.
64. Nokchina sokange matcha  
Jiktangna sintijok,  
Ka'o nange gro dingna  
Matcha rechakatjok.
65. Ka'o nange gro dinge  
Matcha krengebjok ;  
Sekanggipa Borakode  
Dakgrike ambajok,
66. Dakgrike ammanoa  
Matcha agantaejok,  
Gitok chike gro namna  
Gando makkal bijok,
67. Gando makkal biakoa  
Borakan onjana ;  
Untalsa daonaba  
Mandeko chikana.



## 31. DANIA

Hae anga dania.....hae anga !  
 Hae anga radaa.....hae anga !



Dani danggea, romme ro-chroka,  
 Jakpa dareng de-toa, ki-ting nongneng  
 nongtoa

Jakpa dewil chirako, Teting nongchi,  
 Mechikko.

Hae, ki-ting nongboda, hae jakpa de boda,  
 Banan jae roknojok, banan tingkil  
 ripnajok,

Gitol lisimitrara, Dachi rengrimitrara.

Rotako chengchoto, wa-singko ting toko,  
 Ki ting nongneng nongtoja, jakpa dareng  
 de-toja.

Wa-singtokko tingtinge, chigiringko ring-  
 ringe.

An'chengko mande dake, stilko merim goe,  
 Pakmatangna manhajok, segintangna  
 sokbajok,

Pakma rikrak rikrak-o, segin chingchet  
 chingchet-o.

A'ni timbol gro-o, chini manggi asuo,  
 Prem-prem totoa, chingchet chingchet  
 piloa,

Pakmatangna sokbajok, segintangna  
 nabajok.

Pakma rikrak rikrako.

Segin chingchet chingcheto ;

Ripamehi ame griko

Tamaku mikkil griko.

## 32. BALPAKRAM

1. Mingsinga Balpakramko,  
 Memangni asongko,  
 Knara sigiminko,  
 Minge okamako.
2. Ansenga memangni nokap,  
 Nika pilakchikon ;  
 Nikwata aning mitap,  
 Memang chianggalko.

3. Matchu kae nengtakani,  
Ró'ong jangtjopiljok ;  
Memang hal weani,  
Abri pathal piljok.
4. Donga uno dike katchi,  
Mongera kundoli ;  
Donga u'o gamchatgipa,  
Rikmatchu dokatchi.
5. Dongengkua katchini chuunthe,  
Memangni adoko ;  
Nikengkua Bandin' jalang,  
Roongchi rikgiminko.
6. Mebit minga donga damsa,  
Memang janiramko ;  
Mesokronga ua' brisa.  
Ba'chi mangel miko.
7. Salgrochi aki galo,  
Achik manderangna,  
Salaram salgipeng saliram,  
Ajong rorirangna.

ARABINDA SANGMA

### 33. ACHIK JAT SONGDONGRAM

1. Ang' atchiram Achik jat songdongram,  
Pandra re'king grike ja toro-ram ;

- Chengon jakgitele de barika,  
Chasongna akingdam manrika.
2. Hiho ! inchro A chik a'songna,  
Bri bol- 'likkim a·kong chiringna ;  
Song, song, ang' atchiram song :.  
Chasong, chasong namchina rasong.
  3. A'song Munepani nokdang karam,  
Chiga Sanepani wagong chanram ;  
Ka ! Goera ama apa rabaa,  
Ding-ding chansokgija saon salbaa.
  4. Jing - jingbeng jong - gantini  
ringringram,  
Misi Kilte abrio niwatram ;  
Chi kok ole pagitcham ho - horam,  
Hira, mukta sonani bidam.
  5. Salmadriangna Saljong mite tatram,  
Sambasia donne dobik niram ;  
Rongtambing salenba bigreng dapram,  
Atchu gitcheam janggini siram.

## 34. HIM - ANGAI

1. Do·rimitko nikoba, bibal rimit haloba,  
Na an angni sambao, apan nikpaosa-  
ming,  
Inmanø, Him..... ..angai !

2. Da'a salde antin' sal, anti dokra kena-  
jok ;  
Bi'sa nangko niksoe, dingding - kading-  
sognok.....  
Inmana, Him.....angai !
3. Sara waltim so'ao, katta mite peng-  
pango,  
Nangni mola so'ako, ringe roatosaming,  
Inmana, Him.....angai !
4. Tatorakko mediko, rite on'bo bi'sana,  
Anga re'angpilgnok, dongkamjawa  
pangnana.....  
Inmana, Him..... angai !
5. Do'rimitko nikoba, bibal rimit baloba,  
Mikchatangko nikoa, ka'samana  
inoba . . . .  
Inmana, Him . . . . . angai !
6. Jana tangka manako, atam soko nok-  
tango,  
Jaktang nangna onosa kusi ongbat-  
gnichim,  
Inmana, Him . . . . . angai !
7. Deko jakkindilako, nangni sua songako,  
Nikatenga gisiko, dontongbojok na'ara  
Inmana, Him . . . . . angai !

8. Salko janggiltikpile, abakuko gamako,  
Do'cheluko jarike nangni rebapilako,  
Nikata, Him ..... angai !
9. Watok dikrong daksobo, tange name  
sokango,  
Gisik rae Burmako, ringepana noktango  
Basakon, Him .....angai !

JENDEN CH. MARAK

### 35. DOBIMANI KORE DOKA



Chongchang nitogipana mikkelsi,  
Japatean dongpaja jachongsi ;  
'Sia' ino gakite katna,  
Tap doko jajolget sina.  
Sara miram ramao  
Megil kole cha·pana ;  
Bebu chogalakosa  
Angna' donpaiboda.  
Anga skang siode  
Dede nasong changjawa  
Nasong cha·spakosa

Angna donpaiboda  
Chratangna inode  
Nolningo 'Eok, Eok,'  
Depantena so'ode  
Mepalo bitin ritok.  
Sio da'jasi ka'o,  
Ja'choko 'Eok, Eok,'  
Do'bik nina inode  
Jakpongo 'Chiop, Chiop,'  
Nisigipa bobil banga  
Salantian sokbaenga  
'Drok' ino bilbrangbo  
Changatangtang dongnutokbo.  
Do'reng agimpana  
Simsakbone chagopna,  
Bilbrangbone ang' mikoon  
Antang janggi jokna.

C. SANGMA

36. NOKTANGO KASAA' DONGON

1. Noktango kasaa' dongon,  
P'lakan nitoa :  
Noktango kasaa dongon,  
Katchaa dongkama.  
Tomtomaba dongode,

Pilakkon ansengata ;  
Noktango kasaa, dongon'  
Sal name rea.

2. Nok chongipa ongoba,  
Kasaa' dongoa,  
Kaonanga, jegrika,  
Pagnaba dongja.  
Pulrang, nitoe bala ;  
Sara, bari silbea ;  
Janggitangko chusoka.  
Kasaa' dongoa.
3. Noktango kasaa' dongon,  
Sal raka gita,  
Sakgipin'na gipanga,  
Noktangni kasaa'.  
Chirang, bolrang, doorangba,  
Katchaako mesokpaa ;  
Salgin' Apaba katchaa  
Kasaa dongoa.
4. Noktango kasagrika,  
Jisunin onga :  
Noktango kasaa' donna,  
Angni pal donga.  
Nokni mande sakanti.  
Kasagrikna salanti ;



Kristian nokko mesoka,  
Jisun' kasaachi.

A. F. MERILL

37. DIM - DIM - DIM - CHONG  
WANGALA GIT  
( Ringtaitaiani )



Dim-dim-dimchong, dadichong

Dama dokato ;

Noml pante mesaa, anching, wangalao,

Dama bangsi sikana, anching mesana.

1. Bilsì kari sokpilo, wachi ragato,  
Mia misi akmano, anching wangala.
2. Chimaoni angkeko, wate janina ;  
Thama echìng akaru, mitena cholna.

3. Wanti toke noktango, chubitchi kana ;  
Atchu ambin bewalko, maniangkuna.
4. Matchu chara namako, jengo gitako ;  
Chae mesae ansengna, anching wangalao.
5. Kotip gibok raako, kae nipana,  
Konal rip-bok nabalko, gane ansengna.
6. Gana dokmandeako, gane ropana ;  
Chadol gital raako, chine ansengna.

Revised by,  
A. K. Sangma, Rtd. S. K.

### 38. MECHIK ARO TAMAKU

Chengo bachengo, janggi sikchengo,  
Kanamkujachim mandeba uno.  
Jamdaptangoni roamangpaode  
Grichim darangba nisopanade ;  
Maena Measasan, Mechik grichim,  
Aro aa porongrong dongnamkujachim,  
Miknenge niskeme, dinggrikanasa,  
Kuonggija randingesa –  
Mikmalkuja mande; gisik grichim –  
Kaa dingode rongmilam engachim.  
Miksimbraachim saksanana  
Gipin bimang silbatana –

Kadingo sal gita mikkang chingana –  
Wak sane nengo nichaksochina.  
'Brio rongkuchakani kurangna  
Tarim tarim kuchakana,  
Matna measa rangsipitachim,  
Aeao manode namgen ! inachim.  
Tatana amuana, Miterangba  
Salgrako singjok rongkuchakna ;  
Mikchae salgraba pringsao dongejok,  
Aro rongkuchak un' de-Mechikko bajok  
Rongkuchakni de, kutinok kurang,  
Rebaaha Mechik Salgrani de ;  
Ansengjok measaba – dikdiksade !  
Salade sal, salako salak,  
Gisepode guri mikmakmikmak ;  
Paa ganda kanamja basakobade,  
Ringja Rongkuchak' debajringnade  
Skina nangjok nasong gri Measa  
Biparangsa nikskemaeja ;  
Kurinokgipa gisep kumanja,  
Aro measagitaba milam engtoja.  
Chaktojae Measa tattae amujok.  
"Naanba am'a," Miterang inchakjok  
Rongkuchak' bagimin Salgrani de  
Amja galna siggimin janggikode.  
Indiba chinga silbatako  
Onskagen, metra ninamako ;

Kni jarim jarim andalsiksik  
 Mikron tangsimsim walkumikmik ;  
 Un' andalsim knio bala bibal aski,  
 Mik', bimang tarime kaba kasaari.  
 Daa kalim uni walo janggi galon,  
 Maena manggisiko goparion  
 Samtangsek tamaku smilding chagen,  
 Andalmik knio bibal aski balgen.  
 Un' bijakko soe walkumikon  
 Nikgen namang metrani tangsimsim  
     mikron  
 Aro gualgen namang walkuko ringon  
 Rongkuchak aro Salgran' de-Mechikkon.  
 Un tengtoe sko saatako gualgen,  
 Namnaman chanchie gisiko gapgen,  
 Jripigen dinggrika mandeskamung  
 Waltimo soe waltongsa rineemung."  
 Skanggipan delana sam mane  
 Measani obosta namjok bate.  
 Rongkuchak aro Salgrani deko mingjajok,  
 Sam pilgipa metramung mikjumang nikjok ;  
 Rongkuchak jripoba, Sal' mikkang simoba  
 Ua Metrani bimangko darangba sokja.  
 Balgiran' nengtakako, wachi pakmao,  
 Aro salni de ba Sal gita chingtaeo.  
 Dongrimtaea measa ansengemung,  
 Rongkuchak aro Salgran' de-Mechikmung.

H. DEYISON MOMIN

## 39. WACHIMITING

Bengal sagalni biba  
Monsoon balwachi rabaa,  
Aram sokpekode,  
Niri dikkol dikkol,  
Simandala agilsakde.  
Bri jite jite,  
Gure kata kata,  
Niksoa uarangko ;  
Mikkani gama  
Matchama rana  
Kinara kurangko.  
Kisang bojeng bojeng,  
Noka jama sojeng,  
Ritchenga chancho ;  
Gaakdapsu dapsu  
Balpake manangsu  
Nikmana antangko.  
Salo sal nikja,  
Walo jajong tengja,  
Aram simdapani ;  
Mikka aki aki,  
Balwa kechi kechi,  
Satpake waani.  
Aranode chimikan tipa,  
Chibisiko timati bita,

Chiringrangba,  
 Batna amjasusu,  
 Sripe sisu sisu  
 Chiabak dalaba,  
 Salakim salbirim gri,  
 Niato nika mri mri  
 Daka biaprangba,  
 Mongma rosu rosu,  
 Kenpila unaba.  
 Buring grim andala  
 Chi toktakrang banga  
 Bolgrim chatao ;  
 Rama mikram dika,  
 Agak gongmrika,  
 Reani ramao.

KOSAN G. MOMIN

40. GOLAP BIBAL



Nitoriri niwate daslpring

Ripamchiko ringope kadingjok,  
Smildingding bibako rangspejok ;  
Bal balpakbaode angna jringjring !  
Wakidikdik dake gipin bibalrang -  
Niengaha Nangkon miketchichi,  
Mepiliprang Nangko nitobataton,  
"Bipango busu", inengjok u'rang.  
Sagonaloni kuchil - rinok balwa  
Repak - oppak dake Nang' bibako  
Kudimpakangjok angni mikkangko :  
Nangko nitaitaigija dongknajawa.  
Ah ! Salgra repaksrapgijan Na'de  
Kusimtekengjokma Golap Bibal ?  
Rangsitatkuengaba daldal  
Dasipring gitan bal-ripenge mane,  
Kadingwachek rona sikjajokkon  
Nionengaha uisamsae ;  
Somoeni dikdik nengtakpaode  
Danang kadingsmiten donggenchimkon !  
Ritimkaria dikdiksanasan  
Mikbua gnang nangko watatama ?  
Mesoksusuna kurachakba ma -  
Nikna gitik dake rurongnasa !  
Rurongang' Golap, Ritimkariniba  
Balmung mesaani bonningaigen,  
Rinok tangsekoba rimittaigen,  
Dabijawamasa Sinkaria ?

Rurong' Golap, Chinga mandeba  
 Nanggitan – balani dikdiksasan.  
 Jringjrotmung too ongja mikjapsaan,  
 Janggi donga ine rasong dakoba ;  
 Pringni chingchetchet ripamchigita  
 Bal sal nanganan rana ching anchi.  
 Somoian gualgija dikdikanti  
 Janggi tangako chankamaenga.  
 Ah ! basakoba ching tangmitingo  
 Maekoba deritchuna dakangna  
 Saoba abachengon, donangna  
 Nanggitikjok chusokkan jamano !  
 Rurongang' Golap, rurongang asal  
 Smilchip, Nanggitanan sengsogen ;  
 Sinkarin jamano balbataigen –  
 Smilbajawama Ritimkarin' bal ?  
 Rurongang' Golap, dikdiksauade  
 Asakko naan nitobatattjok.  
 Bibako mandena rohiatkunok.  
 Angaba Nanggita ongpaode !

EVELYN R. MARAK

#### 41. BIBAL KARI

Kari soko gitchak rimit bala bibalrangba,  
 Sko rorek kadingsmit bilbaa bijarangba ;





Birangkapo niwatari dongo - dongmatgija,  
 Similako gingsikari bilritingbatoka.

Wachi kari sokoba sala - salkarioba,  
 Madime bitchi opa sanal - sanalesa ;  
 Gipaktate bibalko, mikgitching satrora,  
 Damene dikdiksa, bengata gipinko.  
 Indioba geseja, Naa - Anga gita,  
 Tikjaoba jachaja jaman - jawiloba ;  
 Bibalni simila akitiknan gipa,  
 Bobil dingna balangja, ripeng chim-  
 ongnasa.

Bibal balgaomiting, repako similding,  
 Bitchi gapsuakmiting, sesa manpaosaming ;  
 Ku'agana dongpaja bol-samdim bisasa,  
 Indiode maechisa gisik - katong sala ?  
 Bewaltangko ripingna, karitang' nitoatna,  
 Walsano manchoka sengbao balgaoa ;

Rasongari bipangna daknasa kusi-ka'-  
srokpara.

Manden' janggin' saloba bibal kari  
dongpara,

Pante-Metran' salamba bibal gita nitoa ;

An-sengan pakchara, gisik bil rakkua ;

Bika illik illiksa bikmara okkria.

Maiko cha-jaengpiti, maiko aganjapiti,  
Kuranganba dongsiksaka, sretong ka-  
kitari ;

Gisikanba ritchenga, chanchigilgilari,

Kasatangko manjaosa, grapa ontiminti.

Kiro sikna bijima, bite nangna bibala,

Namesane indiba, bobil - ginal bangbea ;

Ka-kurio janggiko da'a rabbitgrama,

Agilsakde andal'ne da'a mikdonangtoka.

DIREKSON MARAK

#### 42. GRIKA ( DAKRIKNA REANI )

Ka, Challang !

Nokjatchio warimao, kachagija rasi  
chongija,

Tro – ska bajugandaming  
Bilsimeo waripato,  
Susaoba, badaoba – kenkuja,  
    Ka, Challang !! Goera !!  
Ambi raka, atchu raka,  
Ama raka, apa raka, Ka !  
Sepi bolking de'e milam singgi ra'e,  
Gajagija, bitbatgija,  
Mikkang chake, kisang dine,  
Chalang dejea, bipa rosea,  
Gro dingo, mande deno,  
Tro ska bajugandaming  
Gajakuja, bitbatkuja,  
    Ka, Sangma ! Goera !  
Doreng noktogitako goo,  
Kilding jakbo gitako teto,  
Wapang piksusao, spin kolsusao,  
Sangmama ! Ranjama-jokona !  
Gualkuja, jajakuja,  
Rong' kole goo, jaktome doko,  
Wa'ring bilsusao, chri gosusao,  
Troska bajugandaming, susaoba badaoba,  
    Kenkuja, Ka Sangma !!!

## 43. NANGKO GISIK RAGEN

Askini ching'a dimela,  
Dingtang'tang salrang re'baa ;  
Indiba nangna kasaa,  
Dingtangja pangnaba.  
    Salniarngo,  
    Nang' gisik ra-gen ;  
    Pringprang nabaon,  
    Nang' ka-saon donggen ;  
    Oh, rebagenma  
    Angna changsao,  
    Katchaani salrang, Angni ramao ?  
Atamni jagring simbaengon,  
Do'rang knatoe ring'a :  
Mitelgen ang' Isolkon,  
Un' pattiarangna.  
Sikdikdik ka-sinao  
Wal tusidapengon,  
Ka-sinjrim ang' katongo,  
Nabaa gisik nangna.  
Patiangkuchong nangna,  
Nang' tusikujana ;  
Jringjrotna nangni kasaa,  
Dongkamgen ang' baksa.

CHRISTABEL SANGMA

44. DEPANTE MA'KO ARO PAKO WATA

1. Apa reangaibojok, doma bilangaibojok,  
Duramongko niwate, Songdumako  
gabate ;  
Chingasa, Him .... angai !
2. Dakja inrikkunama, nangni ma'ana  
dakangjok,  
Wachi salak minggija, sia tanga chil-  
angjok ;  
Chingasa, Him . . . . angai !
3. Nangni kupa gisikko, jak sikkange  
dakako,  
Rori mande niktoka, bigitade intoka ;  
Indiba, Him .... angai !
4. Asong chiga gitalo, biltang jaktang  
kamtango,  
Chingko gisik rapabo, Ama inatpakubo,  
Cningasa, Him ... .. angai !
5. Nangni aruwesko, nangni bitchil satako  
Nangjik nang'de an'sengo, tangengode  
niebo,  
Chingasa, Him . . . . angai !
6. Name reangdilbone, Doma chingni  
tamako,

Songo noko sokange, da'o gitan  
dongdilbo,  
Chingasa, Him ... -- angai !

## 45. ANG CHAKKI

Sal-jagring pingripon gripgrip  
Mikkimita gita,  
A'sak, salgi gimajok jrigjrip  
Montol kala gita.  
Rimkuak-dangkuak dringchi  
( Ah, aningchisakon ! )  
Napo rimmanake jakchi  
Andalan' bimangkon !  
Waltot tote sobakon jrang  
Nabaa - Ang' Chakki ;  
Jabitchimo rongsa mangmang  
Tengbaa gita aski.  
Susimeni mikkang chakon  
Wal-Bima dongnua ;  
Sininge Ang' Chakki ukon  
Andalako rika.  
Mikjapsaon gimajok jagring,  
Ang' mikronan sakki  
Kamgenma waala jringjring,  
Chingaiho Ang' Chakki.

Chingaibo Ang' chakki, pangnan  
Rukugen anchiko ;  
Balwa ka'chi spooba,  
Bamgope watatbo.  
Andala timengake simdik  
Noksam nokgil du'le  
Tengen' brako goat sriksrik—  
Ongkatna kadonge.  
Niuat pakman' kolgipuko  
Mikjrangjrang iachi,  
Nang' mikron pilbagen angko,  
Brangoba, Ang' Chakki.  
Dongtimpaku angni dringo  
Wal rebao pangnan ;  
Jasamgittam mikandalao  
Kadongkuna Nangnan.  
Nang' tengako mesokatku'  
Chakki—noksikrangna,  
Nikatpae matdu—matdu  
Chingsningpamanchina.  
Andalgripgrip rama dika,  
Kena jakuanti  
Sokna ansengpakan Mea  
Dongana uo chakki.  
Sualat' bonjawa minding  
Dingsan' gitan nangni ;

Kamgenba waala jringjung,  
Chingaibo – Ang' Chakki.

EVELYN R. MARAK

#### 46. BALAN BALSRI SRI

Balan balsrisri, niwaton kasri,  
Ansengbeane, asong chigade ;  
Balan balsrisri, nikwaton kasri,  
Dongtobeake, ang' song Turade.  
Jangangen Tura nang' mingnamako  
Sikgen songdongna p'lak jatan nango ;  
Rebagen metra-pante bilsu soko,  
Dongpagen jatantian karitango.  
Nangrim kumongrime nang' kamrango,  
Silbat chubatatna nang' mikkimko.  
Sokbaode niken simdimdim brirangko,  
Niwaton chingchakgen Songdun' rikrak-  
ako ;  
Ringenga do' – mat kurang bolgrimrango,  
Tangseka, rimit gitchak bibal – grimo,  
Aeao ansengbea rona ang' songde !  
Angni Achik asong atchiramde.  
Atam sal kasinao sorok rewinwanao.



Pante roreng balekrang, nomil terok-bal-  
balrang,

Matchotja sika—moan waltongsade ;

Ringtoka kurang sale knatobee,

Aeao, ansaoachim ang' song Turade !

Manjawane ang' song gipinchide !

GARNET BANGSHAU

#### 47. KURANG

Achik maasongni kasara dedrang,  
Rikkimsreng, chrochro, dalbaenggiparang.

Kasabebeama naa, ama asongtangna ?

Bajamade namangkoa jatko chuatna ?

Matanggita kasaako nikahama saoba ?

Songtanggita ansengako manjawa jeoba.

Tura, Nokrek srongdim, Simsang bima  
joolding ;

Mamaanti bol, pul, nitoa similding.

Dorimit, dotangsek, dorerap, dopinchop,

Burunganti, cheksianti, doo, mat baachek,

Knatoriri, kasariri, mikoenga urang.

Gisik raatenga dena, masongni kurang.

Okamenga kasariri, angde mikaopabo !

Dedopana jatangko, maa achik songko

Gambaenga banoniba, Achikni kurang.

Knatimna gitik gitik, nachi dekrang  
dekrang.

Hae jong knapana, hae mosa chatokpana  
Gambapaenggipa Achikni Kurangna.

Manda, Damring chisamjoljol kusimik-  
atboda,

Rongjeng adu chigaoni bangsi sikattokda.  
Simsang, Dareng rikam jolni gonda dokan  
kurang,

Gose, gogaea aro harara raarang ;

Aranni aana mikkani chi gita,

Songree nenggipana bal kasina gita.

Knatoa aganaaraag, suua seanirang,

Gippachina abri, akong' Achikni adokrang.

Knatoatkuna aro mesuatpakuna,

Kusiktangko nambatatna hae krengpana.

Achik Kurangko bikotchenggipako,

Gisik katong namnikpaa, mitelbea uko.

Onachi, seachi, mitel namnikachi,

Knatima poraepana, gisik nangpaachi.

Jat gimik krimpaa Kurangko rakkima,

Achik Kurang name kimkim ongpachina.

PHOEBE W. MOMIN

48. KATTA-SALLING ( CHISAKNI )  
( BILSI CHANANI )

Salguri mitmat mitmat, Waambong tep-  
tap teptap.

Asiro siao siao, Salchini mitchao mitchao.

Aan ma manggisijok, Bolni ma jakbrijok.

Ako dimu kitbajok, Bolko bijak akbajok.

Bolni ma kinal sale, Wani ma bangsi sike.

Aan nengbal balbajok bokso, Songna balwa  
rakbajok kimko.

Dobudok budok budok, Dechini chinok  
chinok.

Gitchina anggal soe, Jamana ampang rae.  
Songna mikka wasisi wabajok. Dena jam-  
dap ontiti pinjok.

Taja narot gongriting chajok, ampang  
agal baliping baljok.

Agalmak simil simil, Chiabak kimil kimil.  
Bolchim bite rongrangte dakjok, Angke  
danok parangga bitjok.

Mikkasim jarim simjok, Sangkra agil  
pinjok.

Samsmit mre mre jongdol nating bitmit  
ing.

Mikkasim pre pre bolko dol dokmiting.  
Dimbil chamitchakbajok bakritchak, Ta-  
jong bolo wegatjok, jakripat.  
Wachi dilma akinte galikjok, Misi ama  
bolganchi suakjok.  
Among adu soako mikmak, Chisak sam-  
cheng danako dandak.  
Jongtiket tiket tiket, Akisang mitek  
mitek .  
Apatalchi doabot tengtang, Bolgrimchi  
jingjingbe chengchang.  
Askochi songrura chokriket, Bolritamo  
atota simritek.  
Chiringchi mite achak bekbak, Palalchi  
domaski chet - chat.  
Chikgipana somika mikmak, Akisangchi  
manguak jikjak.  
Jamatalo ganggua engang, Nokkimachi  
mengkonohi pinpan.  
Bri rike snaru baljok, Chiring chisik chi-  
waring tangjok.  
Angkeskep malsuakjok, Meapek gosirajok.  
Misi ama tasreng minjok, Ruat skal gong-  
rikeng maljok.  
Misi ningo techambil minjok, Bisa deza  
magiri miljok.

Bolritimo dokuru sajak, Ase chram rang-  
gure akjok.

Bija pram tebibal dimjok, Bima natok  
sambalna dojok.

Watong boltong aratchi ongjok  
Mikkasim jachang jachang, Misigong rip-  
rang riprang.

Jasni asin jakjok, Sinsrik megong baljok.  
Ganti ringringbajok bolmao, Jongdompa  
sringbajok ramao.

Dandrak gakgakbajok dareo, Matchak  
chakchakbajok aseo.

Chiring chisik nachitek ongonjok: Noksam  
nokgil adanggit chokonjok.

Mat—mese bolkolo amjok, Natik—Nabat  
warima katjok.

Okgipu rama bakjok, Wakmate boldak  
dokjok.

Udareko tilareng sujok, Akaruko okgipu  
tinjok.

Chikareko dopakal dojok, Rau pachal  
nokgilo donjok.

Terik wapang gangchajok riprang, Spin  
chalja kebajok bangjang.

Tebijako rachake ripamchi ondimako  
grikjang.

Salaramchi mikkange doonga mikoako  
tapsrang.

Abilik kesubajok, Tamaku bijimbajok.  
Jalik wapang minmiting rimitchin, Rasin  
dingpang balmiting smilding.

Aan mega sangkitjok, Bolni kitma mikijok.  
Chidil ancheng pangrakjok, Wachi-salpeng  
ragatjok.

Kilbigongo baehate gukchuri kilding rikjok  
chitchat,

Agitoko gitoke matchru inbajok kokkak.  
Chidil guribajok mitmat, Salna ripamchi-  
bajak toktak.

Jaan bilsa jachetjok, Samin okchiritbajok.  
Mejak sreng balmiting rimitchi, Galda ari  
mikdawang baljok.

Chin' buga jagengwang ongonjok,  
Kejakna ampak wate, Galdana srek rike.  
Kancha mikte galange chinponge, Galda  
ari akange asonge.

Chini birong chepangjok, Sammin kambe  
bonangjok.

Dosisi jepjepajok, Dram ongonbajok.  
Sina chakna sarao tomjok, Walthim sike  
asonge duuljok,

Aba ona burungko opatjok, Bolma pena  
ruako wilbakjok.

Kangal ampak bolbigil kikjok, Jikna dena  
atteko wiljok.

Mega ongotbajok gongguru, Niwato nik-  
watbajok salgru.

Agaldamo sambanggri kobok, Pringo suuri  
chiakolo gipok.

Jikna ampak bolbigil kikjok, Sara bol-  
boltong walgandot sangjok.

## SALLINGGRI GITIM

Rongma ranggu mongjilma ginggom, Bol-  
ma grim rangsilma chongrong.

Sillang pokku subema gonggim, Bri kama  
kasima simdim.

Rongchabare abisa taprang, Chicha brim  
chibilbang palkang.

Bisikrom nokdeo sokmil birong medikku  
srapbang,

Chitmang spe dareo nokma cheltong mik-  
sku brimjang.

Wari gsri simramko andalsim. Bolbok  
renggok napramko srongdim.

Bapema ganggaramko jabra, Sillangma  
Ajemako kugira.

Misi kilding bora kodipchre, Chitmang spe  
dareko tapsre.

Gongma dare chipakram dipsuak, Sillang  
matbil gakatram gangguak.

Katchi dara dokako tengtang. Dobak rejak  
satramko wenwen.

Katchima melaramko simchep, Totengma  
melaramko hoksat.

Dasildura gingmatko ringro, Grim matchi  
saduram takko.

Samsal dura balako mikmin, Rongma nadu  
deako tetim.

Wari nanil napramko bokbak, Rema redok  
chaako mitmat.

Mima bijak miksku bangjang, Narim sta  
ruanku jipjang.

Doreng raja doonga bapja Rongma sindik  
nanggrak jija,

Timmati kisang pangpil, Natikma grong  
adil.

Jaako chantimgipajok ringreng, Wari  
songdonggipajok gingen.

Asong moong gatimram delip, Gukmeragu  
chingchingram gangjap.

Asong salaramchiko asong salling dareko  
bokso,

Chiga salaramchiko chiga makku koreko  
kimko.



Reriprang pasalangjok, Billirang pang-  
mangsangjok.

Chibe rangdil gitokjok, Rongrim chi na-  
kattokjok. Anchri chikkim baljok.

Chinagong dome dome songjok. Mekading aka-  
wejok. Rikdoba chidarejok.

Dokarangs aachikjok, Salling dare bisikjok  
Abil agal jengjaljok.

Asintara pataljok, Gotnore Banggaljok,  
Sudim bari pataljok.

Toteng danjok skopang patal, Bri dode  
bilsotram agal.

Nanil nawak wepilram, Doma rangsi tim-  
ilram. Bri gitok dingding.

Renggok bolko ako kongkang,  
Sallinggre japangte Mrik wari  
dudape.

Salaram songjapangjok, Songjatchi man-  
de saljok.

Wama dure nokmonjok, Gitim mite  
Saljongjok.

Saliango chenggari satjok, Rongbirako  
sepru maljok.

Ako aja galange, Samdim boldim suange.  
Chotna aba sikkoko aba guktom cheng-  
rikang biljok.

Suna samdim sikipakko chipu challang  
gitoktang maljok.

Bolgong samko gamroko mangkisangma  
ganggiret chakjok.

Aba chotna sikkbeko aba guktom gang-  
rikkbek biljok.

Biina rongma rimila mikajok, Nachi ku-  
dep chimikna dojok.

Chiring angke manggni bangjok, Bolni bite  
gasampe minjok.

Jan bilsu jadokjok, Mima birong gilbokjok.  
Jadok tekong dokbajok, Kinte salik  
kokbajok.

Jongdol nating gakite gangjok, Chengkota-  
ma bangtike tujok.

Tesok wapang mesengjok, Bisa desa an-  
sengjok.

Aan bilsu rakbajok, Jajong salmangatba-  
jok jrang, krang.

Robindranath Tagoreni English kusiko segimin GITANJALI—oniko mitam peskanirang :—

## 1.

Naa angko bonchanggijagipa ongataha-ian nangni namnikani onga. Ia beainasigipa medikko naan tipat-tipate janggi gitalchi gapattaitaiaha,

Ia tilluni bangsi bisako naa abri—akawe joljol rabite pangna jolna knatogipa sulrangko sikachim.

Nangni tangkamgipa jakrangchi dangtapon ang' katong kusi ongan amchakjapila aro agansokna manpilgija angko kuran—oata.

Ia angni chonchonbegipa jakrangona mangmangsan nangni bonchotgija kasae onanirang sokbaa.

Chasongni chasong badeanga, naa rukam-aienga, indakomangha gapmankuja,

## 2

Git ringchina naa angko geeton anga rasong—chaen kabenasipila; nang' mikkang-

kon niaton anga mikchi jingjangpila.

Angni janggi-tangani pilak meligija gambingbanganirangba knatogipa sul pil-anga aro sagalko grang badale bilsote ro-gipa ringenggipa doo gita angni nangko mitelaniba merapaa.

Angni ringanina naa kusi ongbea ine anga uia. Git ringgipa gitasan anga nang' mikkangona rebana mana inebe anga uia.

Angni gitni badalenggipa grangni kuchotchisan sokna kadongani grigipa nang' jaarangko nangdikena manpaa.

Git ringe kusi onge pekanichi anga antangkon gualpila aro nangko, ang' Gitelkon, ripeng inatmanpila.

### 3

Ang' Gitel nang' ringaniko anga uisok-ja ! Jripjrip aiao iamanpile anga knatim-kammanna.

Nang' sulni chinganian agilsanko teng-ata. Nang' sulni rangspeani salgi gimikonan gipa. Nang' sulni rongtalgipa ohiring pilak ronggrim champengarangkoba jokpretangaia.

Ang' katong nang' baksa ringpana ska indiba kurang grien magnasa krengaia. Kuaganna manade manachim inbibu uara kurang salangja aro amchakjae anga grapmanpilaia. Ah, ang' Gitel, nang' bonchanggija sulni chek-saaon ang' katongko naa rimgitangaha.

## 4.

Angni jaa-jakrangko naan dangtape tangatenga ine uie anga beentangko rongtale rakina krengkamgen, ang' janggini Janggi.

Ang' chanchianirango bebe-kaket ong-gijanirangko gelna pangnan krengkamgen maina angni gisiko chanchie uianiko sobakgipa, ua bebe-kakketgipa, Naan, ine anga uia.

Ang' katongni ningtubatgipa rongtalbatgipao naan donga ine uie angni katongni pilak namgijanirangko galna aro angni kasaaniko balgaoate rakkina anga pangnan krenggen.

Aro jeko dakanioba bil-ongipa nangni bilan ine uie, angni pilak dakanirango

nangko parakna manna gita angni kreng-chongmotani onngen.

## 5.

Nang' sambao dongpana dikdiksana nangni kasae onpaaniko bienga. Jako gnang kamrangko anga jamano katokgen.

Nang' mikkango ongjaode ang' katongna mamung nengtakani ba dondikani gri, aro nenga kamni rikam gri sagalo bonchanggijsa kam gitan ang' kamba ongpila.

Daalde ang' kelkiona dingkari rebae rangspitengjok aro aganmituengjok ; aro bibalrangko bijarangba bildingdinge ringtek — siktokengjok.

Daode nangmung mikkangchakgrike tomtom asonge ia sikdikdik suakpila nengtakanio, janggiko onkanganiko ringnasa somoe ongaha.

## 6.

Ia chongipa bfbalko ake rabo, ruutna-bejok ! Ongjaode ua choknoke aao gaakgen.

Naa uko, ripok sikchapjanaba gnang indiba nang' jakchi mata—bua maneba dangtappae uko akpabo. Angni uisrapgi-

jan sal napchangnaba gnang aro Nokgipana kasae onani somoe badeangnaba donga ino anga jajrengchaka.

Uni rong chikbrejaoba aro ua smilbrejaoba ua bibalko jakkalbo aro somoi dongmitingon uko akbo.

## 7

Antangko nitoatna taridapaniko angni git oktokaha. Taridapanio ua rasong chaja-ha. Taridapanirang chingko nangrimatjawa; batesa nangko aro angko dingtanggrikatgen; nangni kumisi agananiko uarangi gamanian pripgen.

Angni poido dakanio rasong chaani nang' mikkangode kratchaen sipilaia. Oh poido-dakna changsranggipa, angaba nangni jaaon dongpaachim. Tilluni bangsi gita jeko naa sulrangchi gapatna manachim, angni janggi - tanganikoba anga antang gitan apsanang ongatbo aro srongatpabo.

## 8

Rajan' ganding - chindingko gangipa aro gitoko gamchatgipa roongrangni ripokko gangipa bisani kalgrikanio mamung suk

gri ; uni gana – chinanian skatang illengani-  
ko jakuantion champenga.

Skemskem dakna kene ba amang nangna  
kene agilsakkon gela aro illengnamang-  
mangan paja.

Ansengatgipa agilsakni adimuoniko  
gelatode aro ramram mande jinmani jang-  
gi-tangpaani antiona repaaniko cham-  
pengode Ama, nangni nitoa tarianirangko  
rakkikamania mamung lap gri.

## 9

Antangkon antang pakkreo ripena am-  
gipa, O Jara ! Noktanganikon biamna  
rebapilgipa Biamgipa !

Jaktangchin pilak balko rachakna am-  
gipao nang' balrangko donbo aro jajrenga  
dake nipilmangnabe.

Nangni beenni sikanian rangsitdape  
lemni chinganiko rangsan kimitata. Uan  
rongtalja – ua rongtalgijagipa jakrangchi  
kasae onanriangko rachaknabe. Rongtalgipa  
kasaanio ongipakosa rachakaibo.



## 10

Kangalbatgiparang, ongbatgiparang aro  
gimagiminrangni donggipao nang' jaarangko  
donbo, ian nangni jadonchakram.

Kangalbatgiparang, onbatgiparang aro  
gimagiminrang baksa nang' jadona  
ningtuaniona, nangna bamgopna a m o n  
ang' olakiani unona sokangna manja.

Kangalbatgiparang, onbatgiparang aro  
gimaginrangni ganding - elindingko an-  
tango onatbee gane nang' reruraaniona  
gaora-deani pangnaba sepangbana manja.

Kangalbatgiparang, onbatgiparang aro  
gimaginrangni gisepo ripeng - grigipa baksa  
nangni rorimaniona ang katong pangnaba  
rama nikangja.

## 11

Nangni doroako, ringaniko aro ripok -  
chane mingarangko dongtongbo. Doga chip-  
change torom-nokni sikdikdik andalgipa  
noksikoara naa aako olakia? Nichaoe ni,  
nang' Isolde nang' mikkango grike !

Gamgipani rakgipa aako subakosa, ra-  
bakkipani roon -- d' kaosa Uade gnanng. Sal

namoba mikka-waoba uamangbaksasa, aro  
 Uni ganding chindingan adimurarapila.  
 Nang' rongtalgipa chinaniko oke naaba bi-  
 gitan adimuraiona ongonbabo.

Naljokani ? Badio naa uandakgipa nal  
 jokaniko nikgen ? Anching nokgipaan kusi  
 ongen ongatgiminni kagnirangko antango  
 kae ramanjok. Uan jringjrotnan anching  
 pilakmungan kriinchapako manaha.

Nangni chanchibewalrangoni mikselboha  
 aro nang' bibal raarangko aro chachat-soako  
 dontongboha ! Nang' ganding — chindingrang  
 ginchichotoba aro dak nangoba mai  
 onngen ? Nang' mikkangni dingol gramchiao  
 aro nenge kam — kaanio uko gronge umingan  
 dongpabo.

## 12

Songrejojona gita anga ruuten somoeko  
 nanga aro ramaba chela.

Skanggipa sengbrapani garion anga re-  
 ongakata aro dingtang dingtang askirangko  
 antang jakkolrango donange pilak agilsakni  
 abimandurangko rejoyoa.

Chelbatsranggipa ramaan nangona se-  
pangbatgipa onga, aro sulni ramrambata-  
niona sokna nengbatsrange skie - onanion  
onga.

Songregipa antang nokona sokbana  
songgipin - agipinni nokantion doga doktik-  
baha nanga, aro bonchotao ningtubatgipa  
rengtalgipa biapona soknade asak - salgi  
gimikkon rejobana nanggenchim.

"Naara ianoni!" ine mikchipe inna  
skanga ang' mikronrang pilakchikon  
niwilwalna nangaha.

"O banosai?" ingipa singani aro mol-  
molani hajalni hajal chiringrangni mikchi  
jokao jrongepila aro "Iakae angade!" ine  
kuchake aganchakani chi - bana gita suakpile  
agilsakko dubiata.

## 13

Je gitko anga ringna rebaa ua gitko  
ia salonaba ringkuja. Ang' doka - salaniko  
chatrura - okrura daken salrangkode bonat-  
angjok. Dokna - salna gitaba tiktak apan  
apan melikuja, kattarangkoba krae ma-  
rape donkuja; meliattokna ske ang' katong

sapilenga. Bibal balgaokuja ; balwasan rangs pepakaenga.

Uni mikkangkon nikpakuja, un' kurangkoba knatimpakuja ; ang' nokmikkang sorokosa un' rinok jabirangko knaengpiti.

Salgimikan bina asongchakkan waseo andapen sal reangpiljok ; indiba lemkon sokujani gimin biko nokninghchina okamat-toja.

Biko grongna kadongaon angade tangpaenga indiba gronggrikani somoean sokpakuja.

#### 14

Angni sikanirang bangbea aro ang' molmolani kasachakna gitik indiba nangni jechakgalanichi angko jokatrongaha ; aro ia kasachakbeanian angni janggi—tanganio chasipsrangaha.

Angni sikdugae aselo gaakgnirangoniko angko jokate, anga bigijaan nangni kasabee indin onanirangko—ia salgi aro tengani, ia ang' been aro janggi aro gisik—iarangko angko salantian manna kra kra naa dakatenga.

Basakoba basakoba anga jajajiji dake  
sengtima aro basakobara m'krake antang  
miksongaona sokna skela ; indiba kasaning-  
gija gita naa nang' mikkangko donnua.

Angna jechak-jechake binzbang ong-  
gijana skanirango asel nanggnirangoniko  
angko jokate naan angko salantian nangni  
rachakeranganiko manna kra kra dakata.

## 15

Nangna gitrangko ringna angara ianon  
Nangni dring-ningon anga noksiko biap  
manpaa.

Nang' agilsako angande kam gri ; ram-  
ram sulrangchisa angni janggi tanggram-  
aiania ringpana manaia.

Waljatchini nang' andalgipa torom-  
noko nangni jripjrip olakiani somoi sokon,  
ang' Gital, nang' mikkango chadenge gitko  
ringpana angko geetpabo

Pringni balwao sonani knalko sul meli-  
atahaon, angko okampaachi angna kasa-  
chakpabo.

## 16

Ia agilsakni alaniona anga okamatpa-

ako manaha aro uchin ang' janggi-tanganiba pattianiko manaha. Nikpaba manaha, kinba - knaaha.

Ia alanio angko dokna salna donaha aro anga antang manna gitan dakmanaha.

Daode angaba napange nang' mik-  
kangko nipae nangna ang' gisikchi rasong  
onmitelpana somoe sokbapajokma ?

## 17

Bonchotao uni jakona antangkon on-  
kangsrangna angade kasaaninasan seng-  
mangmangaienga. Uni giminsa ruutbeeng-  
jok aro uni aselaan indakgipa angni dak-  
gualanio anga dos ongaha.

Nianrang bewalrangchi uamang angko  
kakapna amachim indiba anga gelkamaia  
maina bonchotao uni jakona antangko on-  
kangsrangna angade kasaaninasa seng-  
mangmangatengjok.

Angko simsakkja ine manderang mat-  
nanga ; uamang angko matnangna kraa ine  
angaba uisranga.

Anti-chamanaha aro kam kabegipa  
rangnaba kamko kae onmantokjok. Angko

indinari okamna rebagiparangba kao nange katangpiljok. Bonchotao uni jakonasa angtangkon onkangsrangna angade Kasaa-ninas sengmangmangaiengjok.

## 18

Aramni kosakon aram, andalchippila. O chame, apalni dogao saksan maina angko sengtimata ?

Saljatchin kamni jakchakgija somoio angade jinmamungsa, indiba ia andala sikdikdik salo nangnasan anga kadongpaa.

Nang' mikkangko angna mesokjaode, angko naa galchipsrangode, maikai ia rutgipa mikkarara somoirangko angade reatpsgnok ?

Haoa salgini andalsimaniko nitatkame, balrorogipa balwa baksasa ang' katongde sikkimpaa.

## 19

Naa ku'aganjaode nang' jrip donganichin ang' katongo gapate chakchikatgen. Anga tomtom dongaigen aeao aski gape mikrakgipa aro ehoknoke chakchikgipa wal

gitan angaba sengtimgen.

Pring rebachongmotgen, andala gima-  
anggen, aro nang' kurangba sonani chiring  
gita salgiko jokpongagen.

Unon bitiprango ang' dodrang rang  
pragnikon, nangni kattarang gito grangko  
ragen aro nang' knatogipa giti sulrang  
angni pilak burung bolgrimrango, bibalari  
ongegen.

20)

Aiao, ang' gisik bingbrango, mongnal  
bibalni balgaoako anga uirikjaha. Bibal ak  
chakna rabitgibao mamungan gri aro bi-  
bakba indaken galchipa gita dongaienga-  
chim.

Indiba gisep gisepde ang' gisik suk  
ongjaha aro jumangoi totro onge mikrake  
salgipengni balwao dingtangmanoha smil-  
baako gingsikmanaha.

Maiba ansengani ang' katongko sim-  
braataha aro uko dingkarini antangko chu-  
sokassrangna kadonge rangsita gita nikat-  
manpilaha.

Unomitingo uan ang' sambekon aro  
uan angnin ine angn uijachim, aro angni  
katong ningen ia unsengbeani balgaoaha ine-



ba anga ujachim.

## 21

Anga ring chochakatna nangaha. Chirikamo indinarisa somoi reangjok, reang, aiengjok-Himangai !

Ritimkari bibal balmanangjok aro ba-deangpiljok. Angade dimelgimin choligija bibalrangko rahitesa senge rochaenga.

Chipakore game satpakenga aro chirik-am salakimo rimit rimit bijakrang mojime gaaktokengaha.

Mamungba donggijakoa maikon naa nitatenga ! Chinalsaoni sringsring gitni kurangrang balwao balpakbaani nang' gisiko nangejama ?

## 22

Wachikari July jani salakimdapao, wal gita jripijripi, nitimgiparangoni gele joke, gachokchime naa roama.

Salaramni sai sai balwan' okamsim-simako minggija daalde pringba mikchipaha aro tangsimsim mikrakkamaigipa salgini mikkangko chatbeen illurudapaha.

Burungrang git ringjaha aro nokantion doga chiptokaha. Ia sikdikdik soroko rejo-

jogipa naa saksasan. Oh, ang saksakamkam ripeng, angni kasabatsranggipa, ang' nokni dogacholde ce—dongenga—jumang gita angko repakmangmangainabe.

## 23

Ia balwa—mikka tarakan walo, ang' ripeng; naade, kasaan' ramajolo reongkat-engama? Saoba duko gaakgipa gita salgian maam—skimenga.

Daawal anga tusingrangja. Ang' ripeng angade pangnan aro pilnipil doge ce wal andalachiko nauenga.

Mamungkon nikna manja. Nang' ramara bachinchimsai?

Badia kali gita simdikdik chibimani andalsim rikam gita, badia mikskemskem dakenggipa hurungni janggil gita, bagita andalgopani jangchi gita, ang' ripeng naara angona rebaenga?

## 24

Sal badeahaon. dodrang ringtokjahaon, bal—balan nenge dondikahaon, agilsakko tusani simpakchi nangni pindapa gita

aro attamo gongnokgipa mongnalni bibal-  
balgaoako kasinsin nangni chipata gita,  
angkoba andalachim ritchae pindapatbo.

Songrea matchotgijan je songregipani  
rabitgipa chaani bonchanga, jeni ganding-  
chinding ginchichota aro adimurara daka,  
jean nenga amchakjatelaha—ua songregip-  
ani kratchagni aro cholgri—apgri onganiko  
chelatbo nangni kasara walni kurio bibal  
gita una janggiko sikpilbo.

## 25

Ang' nengbeani walo, nangon kadong-  
ari, mamung krenggijan angade tusisrang-  
ainaba.

Ang' baljrenggipa gisikko, nangko ol-  
akina, gisik nangatna anga draatjawa.

Salgimik nenggipa mikronrang, pringo  
mikrake anseng anseng kasroke niktaepilna  
manan gita, walni pinganiko saldape ongipaba  
naan onga.

## 26

Ua rebaen ang' sambaon asongachim  
indiba anga mikrakjaha. Mai mikgilsa ong-

piljok, himangai !

Wal jripjrang dakmitingon ua rebaaha ;  
uni jako knal gnangchim aro uni knalni  
knatogipa sulrang baksan ang' jumang  
nikaba ansengangpaachim. Himangai, mai  
na indakesa ang' walranga gimatokmang-  
mangaia ? Ang' tusiao rangsitdappipako  
maina anga nikna gitig dakrikmana ?

## 27

Tengani, oh, baosa tengania ? Gisikni  
sikanini kamenggipa waalo uko sobakbo.

Lemde gnang indiba walsare delipsaan  
gri-indake ongan nangni rasong, ang' ka-  
tong ! Ah, nangnade sisrangan namen nam-  
batachim !

Duk ongbegnian nang' dogako doktik-  
enga, aro nang' gitelde mikrakaienga, aro  
walni andalao gronggrikram biapona nangko  
okamatenga ine nangna agannan rebaa.

Salgiko aram pindapenga aro mikka  
wasimsimenga. Ang' katongo maiian mo-  
ainga anga uija-mainan moenga ukoba  
uija.

Dikdiksa mikka illapani angni nikani-

kode andaldapata aro walni kurangni angko okangipa biapona ang, katong rama ambingbanga.

Tengani, oh, baosa tengania? Gisikni sikanini kamenggipa waalo uko sobakbo! Mikka kimenga aro bangbango balwa kimko kimko gambee balenga. Gisimgipa roong g i t a n walara simenga. Andalmitingo somoirang badeangjachina. Nang' janggichin kasaani lemko sobakbo.

## 28

Chek - saanirangko gelsokja, indiba uarangko chotatna joton kaon ang' katong tengtoa.

Jakgitelanikosan ama indiba u n a kadongoba anga kratchanikpila.

Nangon gamchatbegipa gam donga aro naan angna ripeng chongmot onga ine anga uichongmota indiba angni dringko nitoriri tarigiminko itpake galnan kasokja.

Angko pindapgipa baraba adimu aro sianiko pindapgipa baraan. Namde - namnikja indiba kasaen rimkotmana.

Ang' grorang gapa, chusokgijanirang

banga, sriksrik kratchana nanggn i r a n g  
jrima ; indiba maioba anga napaama ine  
singna rebaon angni singako aganchakbe-  
begen ine kenen been mopila.

## 29

Angni bimungo rachapgipade ia patok  
noko grape dongenga. Anga ia guareko ka-  
dulen jakchakjakamaienga, aro ia guare  
jegita salgichipak salsabatbat chudororoa  
indaken uni simdikdik jagringon angaba  
antangkon gimaatroroata.

Ia dalgipa guareon anga rasong chaa  
aro ia bimungo banoba kolgipu dongchang-  
naba donga ine kene anga uko ancheng-  
mung adimuchi repidapaha. Indake simsak  
dugaen anga antang manchakon gimaat-  
angenga.

## 30

Donsogimin biapo gronggrikna anga  
saksan reongkata. Indiba sikdikdik andalao  
angko jarikgipara sawa ? Uko gelna regeloba  
anga jokjatel.

Ua gangbing ree adimu - chaatpila ; ang

kuanti aganao ua game agandapdapa.

Ang' Gitel, uara anga antangan onga,  
kratchanaba uija ; indiba unbaksa nang'  
nokchina reangnade kratchamanpila.

## 35

Jeo gisikni kenani gri aro sko' dechaonapaa ;  
Jeo skatang uianiko daranghiba bingkang  
ani dongja ;

Jeo nokni - songni apchongipa guarerangchi  
agilsakko bekningatkuja ;

Jeo bebe - kakketmanchaonin ku'ongkata ;

Jeo nengako uipilgija joton - kaani, chusok-  
srananganiona jak ona ;

Jeo chanchisogimin gisikni grikgang chi-  
ring, galgimin dakbewalni kenasusu  
agisini anchengo ranchangja ;

Jeo naan apal barorogipa ohanchiani aro  
kam - kaaniona gisikko dilbaa - - -

Ua jakgitelani salgiona, Apa, angni asong  
mikrakpachina.

## 36

Ian angni bia, ang' Gitel, - Ang' katongni  
bilgriani jadilko bnekatbo.

Angni duk-sukrangko ritchenge ra·na angna  
bilko onbo.

Angni kasaani dangdike-onanio bite nang-  
pana angna dakohakpabo.

Kangalrangko pangnaba jechakjana ba nok  
ma-gaorana jasku—demjana angna bil-  
ko onbo.

Salantini nangai—nangjae kamrangni ko-  
sako ang' gisik chubatna gita angna  
gisik onbo.

Nangni skanina, ang' kasaanio antang bilkon  
onkangna angna bilko onbo.

## 50 DOKUA

Koripok bokbajok megong karitang sokana,  
Sinjrimjrim kasina balwa salgroni balana.  
Gnanggipa tarisoa sinbatbaengana,  
Sintienga kangalgipa antang manderangna.  
Boksoriri, nitoriri, mesarini bala,  
Kadongsoa gnanggipa sengna amjapila.  
Abri akong, jasengbao, ningjoljol niksenga ;  
Guuri asari mitmat anga nikjaenga.  
Pangna mikoronga do·ni mikoa kuranga,  
Walo janga kurang gita knagamaieaga ;



DOKUA

143



Nachikola uarangko knatojanika,  
 Knatoa kurangkosa knatimna ska.  
 Mikoda, Dokua, ringsningpaena,  
 Knatonikbe anga nangni mikoana.  
 Nang' mikoana badeaba banoba dongama ?  
 Sonabal, Meseki, Chitmang, Simsang  
     jarimoma ?

Mookma akuang bone, Nokrekni jarimona,  
 Rikkit rikkit amobani sokna dongkuama ?  
 Abri mikkim chaatgipa bol chua chuao  
 Bae ading, adingpachong jange nang'  
     kurango.

Sningchong abrin' dedrang ganti chenggari  
 Salchame, dochelu, dorek namen kasariri,  
 Banoba matchokni bisa chrike donga gita.  
 Mikoda, dokua, naa rodilenga gita,  
 Katong saa mikchi rakja chi rita, chi rita,  
 Sena aganemung duko grapenga gita,  
 Jokanga abrini chi dalgipa chiona,  
 Knatoa dare gama angni nachikolna.  
 Indiba chaknapa anga brina kurangna,  
 Mikoda, dokua, naa knatojolatna.  
 Mikka dalnang, nangni bimang sokja  
     gisimade,

Gun gnangkosa danang mingsingronga  
     mande.

Indioba koripokna balgipa megongo,  
 Bibaliping balenggipa megagong gongao,  
 Ongjaoba gitchakchipchip mandalo baode,

Nitonika nie rona aro mikooode,  
Pra pra, jikjak jikjak, sawane, dokua ?  
Smu kambe, bola rike, abri akongea ?  
A'o roa, mitam mala, mitam sako bila,  
Nio nikbitbatn, anga channa amjapila.  
Buring jasengako nike rogi-parangsama,  
Knatoa kurangnasa nangko jarikama ?  
A'gabrike subalike bolgisini jongko  
Onakode nikja anga nangna uarangko.  
Dingchakgipa nekkol gita jarikako nika,  
Wagop, bolgop, smu begop, mingja buring  
dika.

Chaamangjoljole soka chiring chisik adok,  
Jarikanga mikoako jeona sokangjok.  
Sagre nokkol jarikgipa nango bangbeoba,  
Alduachi tangarina sikja indioba,  
Rebaoba bobilgipa dokua skani,  
Nokkoltangko dingchengatna dongja  
nisengani.

Tilareng dotileng baksa domandalni jat,  
Sarengki. tantika aro dojinmamung mat.  
Grimchi Bacharin' dedrang, Achik pagit-  
chamni,

Nike gisik rapachina naa roamane ?  
Ban songo bae, chie, jelbea indita ?  
Songredila rimbitenba 'Abing Raja' gita.  
Bao Habra Husen, baosa Sirampa ?  
Bao bilakgipa matgrik Jappa Jalimpa ?

Achikrangni ua ripok mingsinggipa bao ?  
 Bao jaktuatbaaha gisik raja dao.  
 Simsakjae gimaatjok manja Achik Asong.  
 Dongkua, Dokua, basu mukutko stike,  
 Dingna gita bilrroa Kotokko rimbite.  
 Bilangbo, Dokua Rani, Achik asong asong,  
 Jarikna changako nike chanchia nap-  
 pachong.

Walni askina bate naade nitobea,  
 Dodean kratchagen, danang, nangnade,  
 dokua.

Bimangchi chonbata, naa, nitoachibani,  
 Bijimao bao nangko ongja nikningani;  
 Indioba gnangpiti nangchi skiani,  
 Gisik rao sintiani kamrangkobai,  
 Kurang knatoa, oe, rasongba dongronga ;  
 Raja ska raja, naa panguan dakgrikronga  
 Mikandalpilama naa gisik rakbeani ?  
 Chanchijapilama naa siani tangani ?  
 Jakgitel dongani sal uangna sakaha,  
 Jensalo mande nangko kimale mauaha.  
 Jakgitel onggipa gisik jakgitelaniko,  
 Mesokenga agilsakna antang dakaniko,  
 Unigimin mingja naa waani kachako,  
 Ringatronga kasariri skango ringako,  
 Dukni, sukni sal nangnaea, dokua,  
 Ringangbo janggini gitko jeona dongkua.

TUNIRAM R. MARAK

## Jak Riting

1.	2	17	natatna
2.	15	7	salrang
3.	17	10	chuongniken
4.	22	4	tarakako
5.	23	2	Jorabakan ; dongoba
6.	23	5	Manpilgija
7.	23	25	Katta
8.	32	9	Sillang
9.	33	8	Jalimpn
10.	33	9	Bonggepa
11.	33	22	Bisikkrom
12.	33	25	Marakma
13.	35	16	wachek
14.	44	21	Gachokchime
15.	45	7	Sambanggri
16.	45	17	jila
17.	45	23	Gangbrae
18.	52	4	Sal — chugragraoba
19.	63	17	nengskimo
20.	70	7	paani
21.	71	1	tanggipanasa
22.	73	16	Bisako

23.	75	11	dos
24.	83	8	aganjok
25.	106	7	Pringpang
26.	110	9	Janganggen
27.	110	20	songde
28.	113	6	Bolinma
29.	124	1	Ja ( No. 6 )



—o0)●(0o—

